

四庫全書

史部

欽定四庫全書

史部
通鑑續編卷二十一

四庫全書

詳校官庶吉士臣何道沖

編修臣裴謙履勘

總校官知縣臣楊懋珩

校對官中書臣孫球

謄錄監生臣吳壽朋

欽定四庫全書

通鑑續編卷二十一

元 陳桎 撰

乙酉 理宗皇帝寶慶元年

金正大二年
太祖皇帝二十年

春正月詔舉

賢良之士。○湖州潘壬起兵立濟王竑為皇帝竑討

壬平之

湖州人潘壬與其從兄甫弟丙以史彌遠廢立心不平之乃聚衆陰遣人至淮東通意於

李全謀挾濟王渡江而立之全欲坐致成敗陽與之期日遣兵應接而實無意也壬等信之遂部分其衆以待及期全兵不至壬等懼事泄乃以其黨雜販鹽盜千餘人結東如全軍狀揚言自山東來夜入州城

求濟王王間獲匿水竇中士尋得之擁至州治以黃袍加王身王號泣不從士等強之王不得已乃與約曰汝能勿傷太后官家乎衆許諾遂發軍資庫金帛會子搗軍知州謝周卿率官屬入賀士等偽為李全勝揭於門數史彌遠廢立之罪且云今領精兵二十萬水陸並進人皆脅動比明視之則皆太湖漁人及巡尉兵卒耳王知事不成乃遣王元春告於朝而帥州兵討士士變姓名走楚州甫丙皆死元春至行在史彌遠懼甚急召殿司將彭任帥師赴之至則事平矣士至楚將渡淮而北為小校明亮所獲送臨安斬之

史彌遠殺濟王玠於湖州詔追貶為巴陵郡公

忌玠謀殺之乃詐言玠有疾令客秦天錫召醫如湖州視之天錫至諭旨逼玠縊於州治以疾薨聞於朝贈少師保靜鎮潼軍節度使給事中盛章權直舍人院王堅繳還詔命從之起居郎魏了翁金部員外郎

洪咨夔相繼言竑之寃及禮部侍郎直學士院真德秀入對因曰陛下初膺大寶不幸處人倫之變有所未盡流聞四方所損非淺雪川之變非濟邨本志前有避匿之迹後聞捕討之謀情狀本末灼然可考願詔有司討論雍熙追封秦邸舍罪卹孤故事斟酌行之雖濟王未有子息興滅繼絕在陛下耳帝曰朝廷待濟王可謂至矣德秀對曰陛下友愛之心可謂無所不至但謂此事處置盡善臣未敢仰承聖訓觀舜所以處象則陛下不及舜明甚大抵人主當以二帝三王為師秦漢以下人君舉動不皆合理難以為法帝曰亦是一時倉卒德秀曰此已往之咎願陛下益進德修學以掩前失帝曰善

蒙古武仙

殺史天倪天倪弟天澤伐仙走西山天澤復入真

定

武仙聞宋彭義斌復取山東州縣乃叛蒙古殺都元帥史天倪天倪弟天澤時護母歸燕府僚王守

道追天澤於道告以天倪被殺之故且曰變起倉卒
部曲散在近郊若能返旆當不招自至天澤曰不共
國之讎死亦當往況不死耶遂傾貲裝易鎧仗南還
行次湍城得士馬甚衆遣監軍李伯祐言狀於燕京
行省乞兵進討行省即命天津嗣兄河北西路都元
帥遣笑乃歹率銳卒三千援之合勢進攻盧奴虜仙
驍將葛鐵鎗乘勝至中山略無極拔趙州進駐野
頭仙懼奔西山之抱犢砦天澤遂復入真定府

二

月賜鄂王岳飛諡忠穆○以師彌嗣秀王○李全作

亂焚楚州淮東制置副使許國走死以徐晞稷為制

置副使以撫之

許國至鎮李全妻楊氏郊迎國辭不
見楊氏慙而歸國既視事痛抑北軍

有與南軍競者無曲直偏坐之擄賞十損八九全自
青州致書于國國終於衆曰全仰我養育我略示威

即奔走不暇矣。李全故留青州，國不能致，乃數厚餽之。欲以邀全還，會劉慶福亦使人覲，國意向國左右知之。語覲者曰：「制置無害汝等意。」慶福以報全。全集將校曰：「我不參制，聞則曲在我。今不計生死，必往遂還楚州。」工謁賓佐，戒全曰：「節使當庭參制，使必免禮全從之。」及全庭趨國，端坐納全拜，不為止。全退，怒曰：「庭參亦常禮。」全歸本朝，拜人多矣，但恨汝非文臣，本與我等汝向以淮西都統謁賈制帥，亦免汝拜。汝有何勲業，一旦位我上，便不相假借耶？全赤心報朝廷，不反也。國繼設盛會，宴全，遺勞加厚，全終不樂國之客章夢先主幕議。劉慶福謁之，夢先以其客將令隔幕貌，喏慶福亦怒，既而全欲往青州，恐國苛留，自計曰：「彼所爭者拜耳，拜而得志，吾何愛焉？」更折節為禮，因會集間出，劄白事，國見其細故，判從之。全即席再拜，謝自是動息必請，得請必拜。國大喜，語家人曰：「吾折伏此子矣。」全往青州，會國集兩淮馬步軍十三萬。

大閱楚城之外欲以挫北軍之心全妻楊氏及軍校
留此所者懼其謀已因內自為備會全自青州遣劉
慶福還楚為亂適有潘壬之事及壬敗全黨益不安
或教楊氏畜一男子指謂人曰此宗室也且語僚佐
曰會令汝為朝士潛約盱眙四軍為應與之共反盱
眙四將不從於是慶福謀終輟止欲快意於國矣計
議官荀夢玉知之以告國國曰但使反反即殺我我
豈文儒不知兵者耶夢玉懼禍及已求檄往盱眙復
告慶福曰制使欲圖汝兩為自結之計二月乙卯國
晨起視事忽露刃充庭客駭走國厲聲曰不得無禮
夫已及願流血蔽面而走亂兵恚害其家大縱火焚
官寺兩司積蓄盡為賊有親兵數十人翼國登城樓
縋城走伏道堂中宿馬賊擁通判姚翀入城犒兩軍
使歸營是日慶福首殺章夢先以報其辱丙辰國縋
於達事聞史彌遠懼激它變欲事涵忍以徐晞稷嘗
倖楚守海得全歡心乃授晞稷制使令屈意撫全全

聞國死自青州還楚佯責慶福不能彈壓致忠義之
闕斬數人上表待罪朝廷不問知揚州趙范得制置
使印於潰卒中以授晞稷晞至楚全及門下馬拜
庭下晞稷降等止之賊衆乃悅晞稷至以恩府稱全
恩堂稱楊氏而
手足倒置矣
三月葬永茂陵○夏四月皇太后以

多病免聽政○五月以不熄嗣濮王○李全襲彭義

斌於恩州義斌敗之

許國既死李全使人報彭義斌於山東曰許國謀反已伏誅矣

爾軍可聽我節制義斌大罵曰逆賊背國厚恩擅殺
制使我必報此讎乃斬全使賁牒南向告天誓衆見
者憤激五月全自青州攻東平不克乃攻恩州義斌
出兵與戰全敗走獲其馬二千劉慶福聞全敗引兵
往救又為義斌所敗全退保山峒抽山陽忠義以北
全妻楊氏及劉全皆欲親赴難會全遣人求徐晞稷

書與義斌連和乃止義斌以書遺沿江制置使趙善湘曰不誅遂全恢復不成但能遣兵扼淮進據連海以蔽之斷其南路此賊必擒賊平之後收復一京三府然後義斌戰河北盱眙諸將襄陽騎士戰河南神州可復也盱眙四總管亦各遣使致書乞助討賊知揚州趙范亦以為言史彌遠令諭范無出位專兵各享安靖之福范復以書力論之彌遠不聽

六月加史彌遠太師封魏國公彌遠辭太師許之○秋七月彭義斌伐真定嚴實以

蒙古師來戰義斌死之實復盡取京東州縣

義斌既克山東

復納李全降兵兵勢甚張遂圍東平嚴實遣人求援於蒙古李里海亭里海兵未至而城中食且盡實乃與義斌連和義斌亦欲藉實以取河朔而後圖之遂以兄禮事實時實麾下兵尚數千義斌不之奪而留

實青崖之家屬不遣七月義斌攻真定道西山與宇里海等軍相望義斌分實以帳下兵陽助而陰伺之實知勢已迫即連趙宇里海軍而與之合遂及義斌戰於內黃之五馬山義斌兵潰史天澤以銳卒略其後遂擒義斌義斌不屈而死

罷工部尚書陳德剛金

部貢外郎洪咨夔

論濟王之寬忤史彌遠也

竄大理評事胡夢昱

於象州

夢昱上書言濟王不當廢引晉太子申生漢戾太子及秦王廷美之事為證言甚切直史

彌遠諷御史李知孝

贈張九成太師崇國公

帝以前禮部侍

勅之除名羈管而卒

郎張九成正色立朝有中興明道之功也九成研以思經學多所訓解然早與學佛者遊故議論多偏以

程頤四世孫源為籍田令○以梁成大為監察御史

時論濟王事者衆史彌遠患之成大以知縣秩滿侍
選臨安詣事彌遠家幹者萬所祈一日言真德秀當
遂成大曰某若入臺必能辦此事祈為達其語遂擢
御史成大因與莫澤李知孝共為彌遠鷹犬凡忤彌
遠意者三人必相繼擊之由是名
人賢士排斥殆盡人目為三凶
罷禮部侍郎直學

士院真德秀

德秀屢進謨言帝皆虚心開納史彌遠
益嚴憚之於是莫澤等劾德秀所言濟

王贈典為舛論綱
常簡節上語遂罷

冬十月金完顏王嘉努有罪金主

命論如律

王嘉努金內族也殺鮮于主簿權貴多救
之者金主曰英王朕兄也敢妄撻一人乎

朕為人主敢以無罪害一人乎國家衰弱之際生靈
有幾何而族子恃勢殺一主簿吾民無主矣其如法
誅之
蒙古太祖皇帝伐夏取肅甘州西涼府十一月取

靈州進次於鹽州川

以其不入質子而遣兵助西域也

以薛極參知

政事葛洪僉書樞密院事○以李知孝為右正言

知孝

附史彌遠而忌真德秀魏了翁之鯁直乃上疏曰士大夫汲汲好名正救之力少而附和沽激之意多扶持之意微而詆訾扇搖之意勝既慮君上之或不能用又恐朝廷之或不能容姑為激怒之辭退俟斥逐之命始則慨慷而激烈終則懇切而求去將以樹奇節而立令名此則臣之所未曉也蓋以陰詆德秀了翁也踰月復言近年以來諸老凋零殆盡後學晚出不見前輩不聞義理不講綱常識見卑陋議論偏詖更倡迭和蠱惑人心此風披扇為害實深乞下臣章風厲內外各務靖共以杜禍萌遂進拜右正言貶

權工部侍郎魏了翁於靖州罷提舉玉隆萬壽宮真

德秀祠祿

起居郎魏了翁知不為史彌遠所容以疾求去彌遠猶畏公議外示優禮改權工部

侍郎了翁力請外乃出知常德府越二日諫議大夫朱端常劾了翁欺世盜名朋邪謗國德秀奏劄詆誣詔了翁落職奪三秩靖州居住德秀落煥章閣待制罷祠李知孝上書乞追削流竄德秀以正典刑梁成大亦奏了翁已從追竄人猶以為罪大罰輕德秀狂僭悖謬不減了翁相羊家食宜削秩貶竄一等施行彌遠勸帝下其章帝曰仲尼不為已甚遂止鵠兩秩罷祠成大貽書所親曰真德秀乃真小人魏了翁乃偽君子此舉大快公論識者笑之了翁至靖湖湘江浙之士不遠千里負書從學乃著九經要義百卷訂定精密先儒所未有也德秀既歸浦城修讀書記語門人曰此人君為治之門如有用我者執此而往可也

蒙古圖類取金彰德○蒙古使濟古爾往高麗未至

盜殺之

自是高麗與蒙古不通

武仙復入真定蒙古史天澤奔

藁城

彭義斌既敗仙勢益熾已而潛納謀者匿真定之大恩寺夜斬關為內應仙復入城天澤出奔

藁城

丙戌二年

金正大三年○夏主暉元年○太祖皇帝二十有一年

春正月贈全州教

授陸九齡舒州通判沈煥官諡

九齡撫州金溪人父賀以學行為里人所

宗九齡幼穎悟瑞重稍長補郡學弟子貢時秦檜當國程氏學廢九齡獨尊其說吏部貢外郎許忻退居臨川與九齡語大悅之盡告以當代文獻自是九齡益大肆力於學繕閱百家晝夜不倦悉通陰陽星厯五行卜筮之說性周謹不肯苟簡涉獵舉進士調興國教授未上會湖南茶寇剽廬陵人心震懾或請九

齡主義社以備寇門人多不悅九齡曰文事武備一也古者有征討公卿即為將帥比閭之長則伍兩之卒也士而恥此則豪俠武斷者專之矣遂領其事調度有法郡縣倚以為重暇則與鄉之子弟習射曰是固男子之事也及至興國不以職閒自佚益嚴規矩肅衣冠如臨大衆勸綏引翼士類興起改全州教授未上得疾與客對語猶以天下學校人材為念整襟正卧而卒九齡之家累世義居一人最長者為家長一家之事聽命焉歲選子弟分任家事凡田疇租稅出內庖費賓客之事各有主者闔門百口男女各供其職閨門之內肅若朝廷而忠敬樂易鄉人化之皆遜弟焉與弟九淵為師友和而不同學者號為二陸有來問學者九齡從容啓告人人自得或未可與語則不發嘗曰人之或有難以口舌爭者言之激適固其意少需未必不自悟也張栻嘗與書講學期以任道之重呂祖謙嘗稱之曰所志者大所據者實有肯

榮之阻雖積九仞之功不敢遂有豪釐之偏雖主萬
夫之表不敢安公聽並觀却立四顧弗造於至平至
粹之地弗措也至是贈朝奉郎直祕閣謚文達○煥
慶元定海人從學於九齡乾道中為太學錄以所躬
行者淑諸人早暮延見學者孜孜誨誘同僚忌其立
異或勸其姑營職道未可行也煥曰道與職有二乎
適私試發策引孟子立乎人之本朝而道不行恥也
言路以為訕已請黜之遂為高郵軍教授後終於舒
州通判煥閒居雖病猶不廢書卷每以善類凋喪為
憂周必大嘗曰某立朝時不能推揚賢善予愧叔晦
益者三友叔晦不予愧也煥人品高明不苟自恕晝
觀諸妻子夜卜諸夢寐兩者無愧始可以言學至是
贈直華文閣謚端憲煥友奉化舒璘刻苦磨厲改過
遷善從張栻陸九齡遊及聞朱熹呂祖謙講學於婺
徙步往謁之以書告其家曰敝牀疏席總是佳趣櫛
風沐雨反為美境樂於教人嘗曰師道尊嚴璘不如

叔晦若啓迪後進則璘不敢多讓
仕終宜州通判卒至是特諡文靖
錄張九成呂祖謙

張栻陸九淵子孫授官有差

九淵生而穎異年三四歲問其父賀曰天地何

所窮際父笑而不答遂深思至忘寢食及總角舉止
異常兒見者敬之嘗謂人曰伊川之言奚為與孔孟
之言不類近見其間多有不是處他日讀書至四方
上下曰宇往古來今曰宇宙忽大省悟曰宇宙內事乃
已分內事已分內事乃宇宙內事也又曰東海有聖
人出焉此心同也此理同也至西南北海有聖人出
此心此理亦莫不然千百世之上至千百世之下有
聖人出此心此理亦無不同也及登進士第至臨安
士爭從之遊言論感激聞而興起者甚衆教人不用
學規有小過言中其情或至流汗有懷於中而不能
自曉者九淵為之條析其故悉如其心亦有相去千
里聞其大概而得其為人嘗曰念慮之不正者頃刻

而知之即可以正念慮之正者頃刻而失之即為不正有可以形迹觀者有不可以形迹觀者必以形迹觀人則不足以知人必以形迹繩人則不足以救之後以將作監丞奉祠還鄉學者輻輳每開講席戶外屢滿者舊扶杖觀聽學者稱為象山先生嘗謂學者曰汝耳自聰目自明事父自能孝事兄自能弟本無欠缺不必它求在乎自立而已又曰此道與溺於利欲之人言猶易與溺於意見之人言却難或勸其著書九淵曰六經註我我註六經又曰學苟知道六經皆我註脚及知荆門軍政行令修民俗為變一日謂家人曰吾將死矣乃沐浴更衣端坐而逝諡曰文安初九淵與朱熹會於贛湖論辨所學多不合及熹守南康九淵訪之熹與至白鹿洞九淵為講君子小人喻義利一章聽者至有泣下者熹以為切中學者隱微深痼之病至於無極而太極之辨則貽書往來論辨不置焉其次兄曰九韶學問淵粹隱居山中畫之

所行夜必書之人稱為梭山先生九淵之門人其最著者曰袁燮楊簡舒璘沈煥燮慶元鄞人端粹專靜慨然以名節自許嘗為國子祭酒延見諸生必迪以反躬切己忠信篤實是為道本聞者竦然有得每言人心與天地一本精思以得之兢業以守之則與天地相似學者稱為潔齋先生燮子甫少服父訓謂學者曰吾觀草木之發生聽禽鳥之和鳴與我心契其樂無涯仕終吏部尚書卒

蒙古史天澤

以藁城董俊之師入真定武仙走西山

藁城守將董俊以全軍授

天澤天澤乃與薩納台擊仙敗之仙走西山薩納台怒真定民反覆驅萬人將斬之以示威天澤曰是皆吾民我力不能及一旦委去不幸為賊脅制今殺之何罪乃全釋之

三月蒙古圍李全

於青州

全北剽山東南仰宋糧且挾宋以疑蒙古蒙古攻之全大小百戰終不利嬰城自守蒙古

築長圍夜布狗鼎全糧援路絕與兄福謀福曰二人俱死無益也汝身係南北輕重我當死守孤城汝問道南歸提兵赴援可尋生路全曰數十萬勦敵未易支也全朝出則城夕陷不如兄歸於是全留青福還

楚夏六月以孔子後萬春襲封衍聖公○秋七月夏

國主德旺以憂卒弟子南平王覲立

蒙古太祖入夏城邑多降德旺

憂悸而卒國人主覲

八月追降巴陵郡公竑為縣公

從季知孝之請也

衛涇卒○金以楊雲翼為益政殿說書

雲翼天性雅重博學能文

明於政事直言敢諫與翰林學士趙秉文同為時所重

以劉瑋為淮東制置副

使兼知楚州

朝廷聞李全為蒙古所圍稍欲圖之以瑋代徐晞稷而命彭牂代瑋知盱眙

冬十月作寶章閣

藏寧宗御製也

改湖州為安吉州

以濟王也

十

一月盱眙忠義夏全作亂遂制置副使劉瑋帥衆降

金

瑋在楚州心知不能制馭盱眙四總管惟以鎮江兵三萬自隨又素與時青有怨不召之夏全請從

瑋素畏其狡亦不許彭牂自以資望淺而瑋止夏全不召以為欲遺患盱眙且曰瑋猶憚夏全我何能用乃激夏全曰楚城賊黨不滿三千健將又在山東何不立功以取富貴夏全欣然即兵徑入楚城時青亦自淮陰入屯城內瑋且駭且恐勢不容卻復就二人謀焉時傳李全已死李福欲分兵赴青州瑋令夏全盛陳兵楚城李全之黨震恐李全妻楊氏使人行成於夏全曰將軍非山東歸附耶孤死免悲李氏滅夏氏寧獨存願熟計之夏全以為然既而楊氏盛飾出迎夏全與按行營壘曰人傳三哥死吾一婦人安能

自立便當事太尉為夫子女王帛干戈倉廩皆太尉
有望願領此誠無多言也夏全心動乃置酒歡甚飲
酣就寢如歸轉仇為好反與李福謀逐劉瑋遂圍楚
州治焚官民舍殺守藏吏取貨物時瑋精兵尚萬人
寬東不能發一令太息而已夜半瑋緹城僅以身免
鎮江軍與賊戰死者大半將校多死瑋甲錢粟悉為
賊有瑋步至揚州借兵自衛夏全既逐瑋暮歸李全
營楊氏拒之全恐楊氏圖已因大掠趙盱眙欲為亂
盱眙將張惠范成進閉城門夏全
不得入狼狽降金朝廷聞之大恐

夏中興府○蒙古取金濮州東平府

丁亥三年

○金正大四年○是歲夏亡

春正月以姚弼為淮

東制置副使兼知楚州

朝廷以姚弼嘗與李全交驩
故命之弼朝辭帝謂曰南北

皆吾赤子何分彼此卿其為朕撫定之卿至楚城東
舫舟以治事問入城見李全妻楊氏用徐晞稷故事
而禮過之楊氏許卿入城卿乃
入寄治僧寺中奉楊氏甚謹
贈朱熹太師信國公

詔曰朕觀朱熹集註大學論語孟子中庸發揮聖賢
蘊奧有補治道朕勵治講學緬懷典刑可特贈熹太
師追封信國公踰月熹子工部侍郎在入對言人主
學問之要帝曰先卿中庸序言之甚詳朕讀之不釋
手恨不與
之同時也
三月蒙古取金德順府節度使完顏愛新

死之○夏五月李全以青州降於蒙古蒙古以全為

山東行省

全被圍一年食牛馬及人且盡將自食其
軍全欲降懼眾異議乃焚香南向再拜欲

自經而使其黨鄭衍德田四救已曰譬如為衣
有身愁無袖耶今北歸未必非福全乃降之

蒙古

取金臨洮府總管圖們呼圖克們死之○蒙古使唐慶
如金○六月戊申朔日有食之○楚州忠義李福作
亂逐制置副使姚朶詔即以忠義統制楊紹雲兼淮

東制置副使改楚州為淮安軍

劉慶福在山陽自知已為屬階懷不自安

欲圖李福以贖罪於朝福知之亦謀殺慶福於是二
人互相猜忌不復相見一日福偽稱病不出旬餘慶
福以為誠然往候之及福寢所遙見福寢卧不解衣
心疑之不得已至牀下見牀頭有鞘刀慶福口問疾
而手按鞘懼福先發福亦疑慶福就以刀見害乃躍
起拔刀傷慶福慶福走左右殺之福以慶福首納於
姚朶朶大喜幕客杜耒曰慶福首禍一世姦雄今頭
落措大手耶時楚州自夏全之亂儲積無餘綱運不

續賊黨藉藉謂皆由福所致福畏衆口數見卿促之
卿謝以朝廷撥降未下福曰朝廷若不養忠義則不
必建閫開幕今建閫如故獨不支忠義錢糧是欲立
制閫以困忠義也六月福乘衆怒與李全妻楊氏謀
召卿飲卿至而楊氏不出就坐賓客左右散去福以
卿命召諸幕客以楊氏命召卿二妻諸幕客知有變
不得已而往杜未至八字橋福兵腰斬之福兵欲害
卿鄭衍德救之得免去鬚鬢縋城西夜走歸明州死
朝廷以淮亂相仍遣卿必斃莫肯往來始欲輕淮而
重江楚州不復建閫就以其帥楊紹雲兼制置改楚
州為淮安軍命通判張國明權守視之若羈縻州然
賊徒塞南門開北門支邑民田皆以少價抑買之自
收粟以贍衆金以完顏哈周為議和使如蒙古○蒙
朝廷不問

古太祖皇帝滅夏以夏主覲歸

太祖皇帝盡克夏城
邑其民穿鑿土石以

避鋒鏑免者百無一二白骨蔽野閏五月太祖皇帝
避暑於六盤山夏主覲力屈出降太祖皇帝執之以
歸時諸將爭掠子女財幣耶律楚材獨取書數部大
黃兩駝而已既而軍士病疫惟得大黃可愈楚材用
之所活萬人拓跋自宕項入居銀夏兄弟子孫相襲
至繼運立國元昊始大乃北渡河城興州而居之盡
有夏綏銀宥靈鹽武威張掖酒泉燉煌等郡之地南
界橫山東距西河廣袤萬里乃分境內為三十二州
河南之州九曰靈洪宥銀夏石鹽南威會河西之州
九曰興定懷永涼甘肅沙熙秦瓜河外州四曰西寧
樂廓積石其地饒五穀尤宜稻麥土堅腴水清洌風
氣廣莫民俗強梗故能立國久長視宋遼金立國之
強弱為秋七月蒙古自鳳翔侵京兆○張林等誅李
向背焉

福於楚州

李全之黨以贖軍錢糧不繼屢有怨言全
將國安用閻通歎曰我曹米外日受銅錢

二百楚州物賤可以樂全而劉慶福為不善怨仇相
尋使我曹無所衣食時張林邢德亦在楚自謂嘗受
宋恩中遭間貳今歸於此豈可不與朝廷立事王義
深嘗為全所辱且謂我本賈帥帳前士與彭義斌舉
義不成而歸五人相與謀曰朝廷不降錢糧為有反
者未除耳乃共議殺李福及全妻楊氏以獻遂帥眾
趨楊氏家李福走出邢德手刃之相屠者數百人郭
統制殺全次子通及全妻劉氏妄稱楊氏函其首并
福首獻於楊紹雲紹雲馳送臨安傾朝皆喜乃檄知
盱眙彭忱及總管張惠范成進時青併兵往楚州使
便宜盡戮其餘黨忱輕儇不為四總管所服得檄不
敢自決力讓張惠范成進二人即提兵入楚州與張
林等五人歡宴議分北兵為五使五人分掌之每軍
母過十人分屯四門及城凡在青州者老幼並絕糧
給出淮陰戰艦陳淮岸以斷全歸路請制府及朝廷
處之朝議以時青望重檄青區畫青恐禍及密遣人

報全於青州遷延不決惠成進乃歸八月盱眙忠義

張惠等執知軍事彭忤以城降金金使完顏額爾克成

之張惠范成進以朝檄專委時青而不及已既歸盱

於金金人俾惠專制河南以拒之蒙古以李全為山東

淮南行省全自青州復入淮安殺張林

全得時青報
慟哭力請於

蒙古以求南還蒙古不許全因斷一指以示之誓還
南必叛蒙古乃授全山東淮南行省得專制山東歲
獻金幣全遂與蒙古張宣差及通事數人還楚州服
蒙古衣冠文移紀甲子而無年號楊紹雲聞其至遂
留揚州不還王義深奔金國安用殺張林邢德以
自贖全殺郭統制及時青而併其衆朝廷置不問李

全敗金完顏額爾克於龜山○冬十月以宜州觀察使貴謙為沂靖惠王柄後○金封李全為淮南王不受

○十二月蒙古入關外諸隘四川制置使鄭損棄沔

州逃歸蒙古遂入三關

蒙古入京兆關中大震復以兵破關外諸隘至武階鄭損

棄沔州而遁於是三關不守時金人盡棄河北山東關陝惟併力守河南保潼關自洛陽三門析津東至邳州之源在鎮東西二十餘里立四行省帥精兵二十萬以守禦之議者乞命謹邊備以防南侵帝命樞臣采計蒙古太祖皇帝崩於六盤四太子監國

太祖皇帝崩年

六十六凡六子大太子曰卓沁性卞急而善戰早薨二太子諱察罕台性慎密為衆所畏三太子諱訥格

德依是為太宗皇帝四太子諱圖類是為睿
宗皇帝其庶子曰烏拉齊一日科爾戩
蒙古張柔

自滿城徙治保州

柔以滿城處隘不能容眾乃移鎮
保州保當南北之衝亂後荒空者

十餘年柔刻荆榛立市井通商販招流亡不數年官
府第舍煥然一新乃大興學校招徠儒士保井泉素
鹹鹵不可飲食柔引難距一畝二泉鑿城門而入疏
為長河以流穢濁樓櫓相望陂池暎帶若圖畫然遂
為燕南一大都會後升
為順天府復改保定路
蒙古史天澤襲武仙於西山

仙敗走汲縣

天澤在真定繕城壁修武備為不可犯
之計歲荒食艱捐甘攻苦與眾共之招

流散拊瘡痍披荆棘擬瓦礫官府民聚以次完治以
高公抱犢諸砦武仙之巢穴不可以不攻乃帥兵破
之仙走入汲縣天澤
復取相衛蟻尖砦
蒙古入西和知州陳寅死之
蒙古

兵薄西和時城兵寡弱援者不至知州陳寅獨智固守力不能支遂陷寅謂妻杜氏令避兵鋒杜氏厲聲曰安有生同君祿死不共王事者即飲藥自殺寅亦伏劍而死子姓賓客同死者二十八人

戊子 紹定元年

金正大五年

春正月以桂如淵為四川制置使

翟朝宗知揚州權淮東制置司事○金使完顏莽伊

蘇如蒙古弔喪○三月蒙古入金大昌原完顏陳華

善大敗之

蒙古兵入大昌原金平章政事完顏哈達以忠孝軍提控完顏陳華善為前鋒陳華

善擐甲上馬以四百騎大敗蒙古八千之衆士氣皆倍蓋自有蒙古之難二十年間始有此捷由是陳華

善之名震國中

夏六月壬寅朔日有食之○秋八月李全如

青州蒙古嚴實敗之全復還楚州○冬十二月以薛
極知樞密院事袁韶同知院事鄭清之僉書院事葛
洪參知政事○金以完顏納新為蒙古國信使○蒙
古伐西域

己丑二年

金正大六年
蒙古太宗皇帝元年

春二月金以丞相完顏薩

布行尚書省事於關中○三月金以完顏陳華善為

穆琨

忠孝軍皆回紇奈曼晃渾及中原被俘避罪來
歸者驚狼難制惟陳華善御之有方坐作進退

皆中程式所過州縣秋毫無犯居街曲間不聞喧
雜每戰則先登陷陣疾若風雨諸軍倚以為重
秋

八月蒙古太宗皇帝即位於奎騰阿喇勒之地

耶律楚材以太

祖遺詔請立三太子乃召諸王畢會擇以八月二十四日即位時四太子監國諸王意猶豫未決二十二日楚材言於監國曰此社稷之大計若不早定恐生他變監國與諸王奉三太子即位是為太宗皇帝時庶事草創禮儀簡率楚材始定冊立儀禮俾皇族諸王尊長皆就班列以拜尊長之有拜禮自此始諸國之來朝者多以冒禁當誅楚材言於帝曰陛下新即位願無污白道子帝從之蓋國俗尚白以白為吉故也又中原新定未有號令長吏皆得自專生殺少有所忤意者刀鋸隨之至有全家被禍者楚材以為言詔禁絕之奎騰阿喇勒在和琳東

冬十月蒙古圍慶陽十二月金伊喇

布哈救之○蒙古始定筭賦

中原以戶西域以丁蒙古以牛馬羊

蒙古

以史天澤劉哈瑪爾蕭札拉為萬戶分守中原

太宗皇帝欲選

三大帥分統漢地兵一日會朝親以杖麾三人居右以爲萬戶其居左者悉爲千戶於是真定河間大名

東平濟南五路

皆隸於史天澤

庚寅

三年

金正大七年
太宗皇帝二年

春正月金伊喇布哈及蒙古呼

圖魯呼戰於大原敗之慶陽圍解○二月以趙范知

鎮江府趙葵知滁州並節制本州軍馬

范葵皆方之子

蒙古

立十路課稅所

初太祖皇帝征西域倉庫無斗粟尺帛之儲於是羣臣咸言雖得漢人亦

無所用不若盡殺之使草木暢茂以爲牧地耶律楚材曰夫以天下之廣四海之富何求而不得但不爲

耳何名無用哉因奏地稅商稅酒醋鹽鐵山澤之利
周歲可得銀五十萬兩絹八萬匹粟四十萬石太祖
皇帝曰誠如卿言則國用有餘矣卿試為之至是楚
材奏立十路課稅所設使副二員皆以儒者為之燕
京路陳時可宣德路劉中皆在選中楚材因間進說
周孔之教且謂天下雖得之馬上不可以馬上治太
宗皇帝深然之由是文臣漸進用矣楚材又奏諸路
州縣長吏專理民事萬戶府專總軍政課稅使所專
掌錢穀各不相統攝著為令權貴不得志燕京路長
官舒穆魯軒達布激怒皇叔鄂齊爾使奏楚材專用南朝
舊人恐有異志不宜重用因誣構百端必欲寘楚材
於死地事連諸大臣鎮海鈕祜魯山懼讓楚材曰何
為強更張必有今日事楚材曰立朝廷以來每事皆
我自為諸公何預焉若果獲罪我自當之太宗皇帝
察鄂齊爾之誣逐其使者已而軒達布倨傲無禮狎
近羣小易楚材鞫治楚材奏曰軒達布倨傲無禮狎
近羣小易

以招誘今方有事南方他
日治之未為晚也遂止

夏五月以李全為彰化保

康軍節度使京東鎮撫使全不受乃罷知揚州翟朝

宗

全自還楚即厚募人為兵不限南北宋軍多亡應
之天長民保聚為十六砦比歲失業官賑不繼壯

者亦皆就募射陽湖浮居者數萬家家有兵仗侵掠
難制其豪周安民谷汝礪王十五長之亦蠶結水砦
以觀成敗全知東南利舟楫謀習水戰米商至悉併
舟糴之留其施工以一教十又遣人泛江湖市桐油
黏筏厚募南匠大治舩艦船自淮口及海相望時時
試舟於射陽湖及海洋復以糧少為辭遣海舟自蘓
州洋入平江嘉興告糴實欲習海道以覘臨安然以
山東經理未定而歲貢於蒙古者不可缺故外恭順
於宋以就錢糧因以貿易貨物以輸蒙古宋亦以全
往來山東得以少寬北顧之憂遣餼不絕全因縱遊

說於朝復請建闡山陽又遣使如金約以盱眙與之
以連好二月遣軍士穆椿入臨安皇城縱火焚御前
軍器庫欲以銷宋兵備於是先朝兵甲盡喪全欲先
據揚州以渡江分兵徇通泰以趨海其下曰通泰鹽
場在焉莫若先取為家計且使朝廷失鹽利全欲朝
廷不為備且使雖反而不敢遽絕其給乃挾蒙古李
宣差宋宣差以恫疑虛喝而蒙古實未嘗資全兵其
李宣差則青州賣藥人也既而復遣張國明至臨安
稟議全以金寶資其行賓從所過揚言李宣差英略
絕倫騎射五百步朝廷莫若裂地王之與增錢糧使
當邊境徧饒要津求主其說國明且以百口保全不
叛朝廷雖知其姦而欲涵容以苟安故不之詰及全
難麥舟過鹽城知揚州翟朝宗嗾尉兵奪之全怒以
捕盜為名水陸數萬徑擣鹽城戍將陳益樓強知縣
陳遇皆遁全入城據之朝宗倉皇遣幹官王節懇全
退師全不許留鄭祥董友守鹽城而自提兵還楚州

以狀白於朝曰遣兵捕盜過鹽城縣令自棄城遁去
慮軍民驚擾未免入城安衆朝廷乃授全節鉞令釋
兵命制置司幹辦官耶律均往諭之全曰朝廷待我
如小兒啼則與果不受制命朝廷遂罷朝宗命通判
趙璣夫攝州事趙范趙葵深以全心
反為慮累疏力言之史彌遠不納
秋八月蒙古史

天澤襲武仙於汲仙敗走○金伊喇布哈敗蒙古齊

拉袞於潞州○冬十月以趙善湘為江淮制置使知

建康府趙范知揚州

李全造船益急至發冢取黏板
煉鐵錢為釘熬因脂以構油列

炬繼晷招沿海亡命為水手又給趙璣夫以蒙古為
辭邀增五千人錢糧求誓書鐵券朝廷猶遣饒不絕
全得米即自轉輸淮海入鹽城以贍其衆他軍士見
者曰朝廷惟恐賊不飽我曹何力殺賊射陽湖人至

有養北賊，戕淮民之語聞者，太息。全又遣人以金牌誘脅周安民等，造浮橋於喻口，以便鹽城往來。時丞相史彌遠多在告執政，又不以為意。獨鄭清之深憂之力，勸帝討全。帝乃以趙善湘制置江淮，趙范知揚州，便宜從事，以圖之。然猶有內圖進討、外用調停之說。惟趙范、趙葵兄弟力請進兵討之。**蒙古太**

宗皇帝次於陝西

初蒙古小使翁鄂羅至陝西議和，金行省伊喇布哈、赫舍哩約赫德

等懼其泄事機，留之不遣。及布哈既解慶陽之圍，志意驕滿，乃遣翁鄂羅還，謂之曰：「我已準備軍馬能戰，則來語甚不遜。」翁鄂羅見太宗皇帝於應州，白之帝。大怒，即與太弟睿宗、皇宗親帥大眾入陝西，鞠鞠京北同華之間，破南山砦，金以平章政事完顏哈達參

知政事伊喇布哈行省事於閭鄉，以備潼關。○以袁

韶為浙西制置使○十二月李全反寇揚州趙范趙

葵會師敗之

十二月壬子李全突至揚州灣頭揚州副都統丁勝拒之全乃攻城南門趙璫

夫得史彌遠書計增萬五千名糧勸全歸楚即遣劉易訖全壘示之全笑曰丞相勸我歸丁都統與我戰非相給耶擲書不受璫夫恐亟發牌印逐趙范於鎮江全引兵攻泰州知州宋濟迎降之全入坐郡治盡收其子女貨幣將趨揚聞趙范已入揚城乃鞭鄭衍德曰我計先取揚州渡江爾曹勸我先取通泰今二趙已入揚州矣江其可渡耶莫敢對既而曰今惟有徑擣揚州耳甲子全分兵守泰而悉眾攻揚州至灣頭立砦據運河之衝使胡義將先鋒駐平山堂以伺三城機便趙范入城約葵自滁來會葵即帥雄勝寧淮武定強勇四軍步騎萬四千赴揚丁卯全攻東門葵親搏戰全將張友呼城門請葵出葵出與全隔濠

主馬相勞苦左右欲射全葵止之問全來何為全曰
朝廷動見猜疑今復絕我糧饟我非背叛索錢糧耳
葵曰朝廷資汝錢糧寵汝官職蓋不貲矣待汝以忠
臣孝子而乃反戈攻陷城邑朝廷安得不絕汝錢糧
汝云非叛欺人乎欺天乎切責之全無以對彎弓抽
矢向葵而去自是屢戰全兵多敗全每云我不要淮
上州縣度江浮海徑至蘓杭孰能當我然志吞揚州
三城而兵不得傳城下宗雄武獻策曰城中素無薪
且儲蓄為總領所支借殆盡若築長圍三城自困乙
亥全悉衆及驅鄉農凡數十萬列砦圍三城制司總
所糧援俱絕趙范趙葵命三城諸門各出兵却砦舉
火為期夜半縱兵衝擊殲賊甚衆自是全一意長圍
以持久困官軍不復薄城戊寅全張蓋奏樂於平山
堂布置築圍范令諸門以輕兵牽制親帥將士出堡
砦西攻之全分兵諸門鏖戰自辰至未殺傷相當庚
辰范出師大戰獲全糧數十艘甲申葵復戰敗之

以鄭清之參知政事喬行簡同僉書樞密院事○詔

右丞相史彌遠十日一赴都堂治事

彌遠以疾久在告至是稍愈詔

曰彌遠敷奏精敏氣體向安朕未欲勞以朝謁可十日一赴都堂治事以便之

立貴妃謝氏

為皇后

后天台人丞相深甫之孫也生而鰲黑翳一目父渠伯早世產業破壞后親汲飪帝即位

議擇中宮楊太后以深甫有援已功命選謝氏女謝氏獨后在室兄弟欲納之諸父櫟伯不可曰即奉詔納女當厚奉資裝異時不過一老宮婢事奚益會元夕縣有鵲來巢燈山眾以為后妃之祥櫟伯不能止乃共送后就道后旋病疹良已膚蛻瑩白如玉醫又藥去目翳遂與賈涉女同入宮賈女有殊色帝欲主之太后曰謝女端重有福左右亦相竊語曰不主真皇后乃主假皇后耶帝不能奪賈妃專寵後宮后處

之裕如不以介懷太后
孟賢之帝禮遇日加矣

辛卯四年

金正大八年
太宗皇帝三年

春正月戊子朔帝行慶壽禮於

慈明殿大赦

太后壽七十五也

趙范趙葵大敗李全於揚州

城下全走死新塘

辛卯李全浚圍城塹范葵遣諸將出揚州東門掩擊全走王城官軍

躡之蹂溺甚衆乙未諸將分門出擊全戰少却范陳
於西門賊閉壘不出葵曰賊俟我收兵而出耳乃伏
騎破垣間收步卒誘之賊兵數千果趨濠側李虎力
戰城上矢石雨注賊退有項賊別隊自東北馳至范
葵揮步騎夾浮橋弔橋並出為三迭陣以待之自己
至未與賊大戰別遣虎等以馬步五百出賊背而葵
即輕兵橫衝之三道夾擊賊敗走始全反謀已成然
多顧忌且懼其黨不順而邊陲喜事者欲挾全為重

遂贊成之以為跋扈激作愈甚則朝廷愈畏而錢糧
愈增又有以身任調停之責者故全決計反及趙善
湘趙范趙葵用事聲罪致討全資糧遂絕攻城不得
欲戰不利全始大悔忽忽不樂令左右抱其臂曰是
我手否人皆怪之翌夕城中放燈張樂姑示整暇全
聞之亦往海陵載妓女張燈平山堂矯情自肆李宋
二宣差語全曰相公服飾器用多南方物乃心終在
南耳全遂取宋語勅朝服南向歷叙平生梗概再拜
褫服焚之歎曰張國明誤我淚下如雨投淚就坐強
飲而罷范葵夜議詰朝所向葵曰東向利不如出東
門范曰西出嘗不利賊必見易因以所易而圖之必
勝不如出堡塞西門壬寅全置酒高會於平山堂有
堡塞侯卒識全槍雙拂為號以告范范喜謂葵曰此
賊勇而輕若果出必成擒矣乃悉精銳數千而西取
官軍素為賊所易者張其旗幟以易之全望見喜謂
二宣差曰看我掃南軍官軍見賊突鬪而前亦不知

其為全也。范麾兵並進，葵親搏戰，諸軍爭奮，賊始疑非前日軍，欲走入土城。李虎軍已塞其甕門，全窘從數十騎北走。葵率諸將以制勇軍，寧淮軍，賊之全趨新塘。新塘自決水後，潭深數尺，會久晴，浮戰塵如燥壤。全騎過之，皆陷潭中，不能自拔。制勇軍追及奮長槍三十餘，亂刺之，全呼曰：「無殺我！」我乃頭目羣卒碎其尸而分其鞍馬。罷甲并殺三十餘人，皆其將校也。全死，餘黨欲潰國用安，不從議，推一人為首，莫肯相下。欲還淮安，奉全妻楊氏。范葵追擊大破之，乃散去。范還揚州，葵使人瘞新塘骸骨，得左掌無一指，蓋全支解也。

蒙古圍金鳳翔府
蒙古圍鳳翔，金行省哈達布官白華往諭之。哈達布哈言：「北兵勢盛，不可輕進。」白華還，金主復遣諭以鳳翔圍久，恐守者不能支，可領軍出關略與渭北軍交手，計北軍聞之，必當奔赴少紓鳳翔之急。哈達布哈乃始出關行至華陰界，與渭

北軍交戰比晚收軍入關不復顧鳳翔矣

二月以孟珙為京西路分棗陽

軍駐劄

初珙父宗政知棗陽招唐鄧蔡州壯士二萬人號忠順軍命江海統之衆不服制置司以

珙代海珙分其軍為三衆乃帖然珙又募平堰於棗陽自城至軍西十八里由八壘河經漸水側水跨九阜建通天槽八十有三文溉田十萬頃五十莊三轄使軍民分屯邊儲豐收珙又命忠順軍家自畜馬官給芻粟馬益蕃息夏四月以喬行簡僉書樞密院事○加趙

善湘江淮制置大使趙范淮東安撫副使趙葵淮東

提點刑獄

賞誅李全之功也善湘季子汝楫史彌遠婿也奏請無阻而善湘以范葵進取有方

慰藉甚至故能成功

金完顏陳華善敗蒙古蘇布特於倒回谷

○蒙古取金鳳翔完顏哈達伊喇布哈遷京兆民於河南使完顏慶善努成之。五月趙范討李全餘黨於淮安大敗之全妻楊妙真奔金淮安平

趙范趙葵復帥騎步

十萬攻鹽城屢敗賊衆遂薄淮安城殺賊萬計焚二千餘家城中哭聲振天五月淮安五城俱破斬首數千燒若柵萬餘家淮北賊歸赴援舟師又勦擊焚其水柵夷五城賊始懼王旻趙必勝全子才等移若西門與賊大戰又破之全妻楊氏謂鄭衍德等曰二十一年梨花槍天下無敵手今事勢已去撐拄不行汝等未降者以我在故爾殺我而降汝必不忍若不圖我人誰納降今我欲歸老漣水汝等宜告朝廷本欲圖我來降為我所覺已驅之過淮矣以此請降可乎衆曰諾翌日楊氏遂絕淮而去其黨即遣馮珣等納款

軍門趙范許之淮安遂平楊氏歸山東又數年而病死

金使完顏哈達伊喇布哈

戍激河口八里莊民叛逐守將而納之金以八里莊

為鎮淮府○蒙古太宗皇帝使太弟侵金陝西綽布

千來假道淮東以趨河南

初金降人李昌國言於蒙古曰金運汴將二十年其

所恃以安者潼關黃河耳若出寶雞以侵漢中不一月可達唐鄧大事集矣太弟睿宗皇帝然之五月太宗皇帝避暑於九十九泉諸王咸會太弟以昌國之言白於帝帝乃大會諸將期以明年正月合南北軍以攻汴遣太弟先出師趨寶雞綽布千如秋七月葛洪宋乞假淮東以趨河南且請以兵會之

罷○沔州統制張宣誘殺蒙古行人綽布千於青野

原

蒙古太弟聞綽布干死曰宋自食言背盟棄好今日之事曲直有歸矣

八月蒙古太

弟入武休及興元府遂侵仙人關

太弟分騎兵三萬入大散關攻破鳳

州徑趨華陽屠洋州攻武休開生山截焦崖出武休東南遂圍興元軍民散走死於沙窩者數十萬分軍而西西軍由別路入沔州取大安軍路開魚鼈山撒屋為筏渡嘉陵江入關堡並江趨葭萌略地至西水縣破城寨百四十而還東軍屯於興元洋州之間以趨饒風關

蒙古以耶律楚材為

中書令

太宗皇帝至雲中諸路所貢課額銀幣及倉廩物斛文簿具陳於前悉符楚材元奏之數

帝笑曰卿不離朕左右何使錢幣流入如此不審南國復有比者否楚材對曰賢於臣者甚多以臣不材故留於燕帝即日授以中書省印俾領其事無巨細一以委之凡有奏稟先白中書楚材請令土居蒙

古回河河西及山後河南
民一體應輸賦役從之

九月太廟火

丙戌夜臨安火延及太廟

三省六部御史臺秘書省玉牒所惟丞相史彌遠府
獨存蓋殿即馮榘率衛卒力救之也帝素服減膳徹
樂軍執降官封一等太常少卿度正國史院編修官
李心傳上疏言宗廟之制未合於古茲緣災異宜舉
行之詔兩省侍從臺諫集議之遂求直言籍田令
徐清叟上疏乞為濟王置後以和異氣帝不省

蒙

古太宗皇帝侵金河中府完顏慶善努棄京兆而還

○冬十月蒙古破蜀口諸郡四州制置使桂如淵逃

歸○以李直為四川制置使知成都府趙彥呐為副

使知興元府

初彥呐治西和五年甚得軍民之心安丙待之甚厚崔興之以彥呐大言無實

必誤國事不可付

金右丞相完顏薩布致仕

薩布謂都事商

以邊關朝廷不從
衡曰古來宰相必用文人以其知為相之道薩布何所知便居此位吾恐他日史官書之其時以其為相而國亡遂蒙古薩里台伐高麗以其殺濟古爾也十一月蒙古上章致仕

太弟入饒風關十二月金完顏哈達伊喇布哈帥師

出屯順陽

太弟攻饒風關守將遁蒙古兵入之由金州而東將趨汴京金主召宰執臺諫入議

曰事已至此奈何皆曰北軍冒萬里之險歷二年之久方入武休其勞苦已極為吾計者以兵屯睢鄭昌武歸德及京畿諸縣以大將守洛陽潼關懷孟等處嚴兵備之京師積糧數百萬斛令河南州郡堅壁清野其不能入城者聚保山砦彼深入之師欲攻不能欲戰不得師老食盡不擊自歸矣金主太息曰南渡

二十年所在之民破田宅鬻妻子以養軍士今軍士
無慮二十餘萬敵至不能迎戰徒以自保京城雖存
何以為國天下其謂我何朕思之熟矣存亡有天命
惟不負吾民可也乃詔諸將屯襄鄧十二月哈達布
哈即諸軍入鄧州楊沃衍陳和金完顏哈達使劉天
高武仙兵皆會遂出屯順陽

山至襄陽乞師及粟制置使陳晦不許天山乃還○

蒙古太宗皇帝取金河中府

太宗皇帝圍河中急金
守將僉樞草火額爾克元

帥板子額爾克懼軍力不足截故城之半以守帝築松
樓高二百尺下瞰城中土山地穴百道並進晝夜力
戰樓櫓俱盡白戰又半月力竭城陷草火額爾克猶親
搏戰數十合始被擒就死板子額爾克以敗卒三千奪
船走閭鄉金主怒其不能死節杖殺之兩額爾克皆內
族一人每得賊好以草火燒之一人嘗誤呼宮中牙

脾為板子故時人因以別之

蒙古太弟渡漢分師趨金汴京完顏

哈達伊喇布哈帥師還鄧州蒙古追之獲其輜重

南河

聞蒙古入饒風關大恐皆入保城壁險阻以避之既而民復還鄉社蒙古兵突至人無所逃多被俘獲戊辰蒙古兵渡漢江行省哈達布哈召諸將議由光化截江與戰及放之渡而後戰孰是張惠諳達穆爾曰截江便縱之渡則我腹空虛必為所潰布哈曰使彼在沙磧且當往求況自來乎遂次於順陽丙子蒙古兵畢渡哈達布哈始進至禹山分據地勢列步卒於山前騎士於山後蒙古兵觀之竟不前陣散如雁翅轉山麓出金騎兵之後分三隊而來哈達曰今日之勢未可戰也俄而蒙古騎兵突前金兵不得不戰短兵接三交手蒙古兵少却其在西者望布哈觀軍環繞甲野後而突之金富察鼎珠力戰始退哈達曰彼

衆號三萬而輜重居其一今相持二三日彼不得食
若棄其卻而擁之必勝矣布哈曰江路已絕黃河不
冰彼入重地將安歸乎何以速為遂不逐明日蒙古
兵忽不見哈達布哈意其南渡而去已卯邏騎還始
知在光化對岸叢林中畫作食夜不下馬望林中往
來不五六十步而四日不聞音響庚辰哈達布哈議
入鄧州就糧辰巳間到林後蒙古忽至哈達布哈迎
戰交綏之際蒙古以百騎邀兩行省輜重盡獲而去
金兵幾不成列還夜二鼓哈達布哈乃入鄧州城懼
軍士迷路鳴鐘招之樊澤屯城西高英屯城東哈達
布哈隱其敗以大捷聞百官表賀諸相置酒省中左
丞李蹊且喜且泣曰非今日之捷生靈之禍可勝言
哉蓋以為
實然也

新作太廟

壬辰

五年

金開興元年四月天興元年

春正月以史嵩之

太宗皇帝四年

為京湖安撫制置使知襄陽府○蒙古太宗皇帝自

河清白坡渡河遂次於鄭州使蘇布特圍金汴京

金主

聞蒙古兵趨汴召羣臣議尚書令史楊居仁請乘其
遠至擊之平章巴薩不從而遣莽伊蘇等部民丁萬
人開短堤決河水以自固京城命瓜爾佳薩哈將步騎
三萬巡河渡起近京諸色軍家屬五十萬口入京城
戊子太宗皇帝用西夏人恤可計自河中由河清縣
白坡渡河遣人馳報太弟以師來會瓜爾佳薩哈行至
封立而還蒙古兵奄至莽伊蘇等皆死丁壯得免者
三百人而已甲午太宗皇帝入鄭州次於海灘寺遣
蘇布特攻汴城金主召羣臣議所守朝臣有言珠格
高琪所築裏城決不可守外城決不可棄若蒙古兵
得外城則糧盡援絕走一人不出裏城或不測可用
於是決計守外城命修樓櫓器具時京城諸軍不滿

四萬而城周百二十里人守一乳口尚不能過故議
遷避之民充軍又召在京軍官於上清宮平日防城
得功者截長補短假借而用得百餘人又集京東西
沿河舊屯兩都尉及衛州義軍凡四萬并丁壯二萬
分置四面每面選千名飛虎軍以專救應然亦不能
軍矣金主命翰林學士趙秉文為赦文改元布宣悔
悟哀痛之意指事陳義辭情俱盡金完顏哈達伊喇
間者莫不感勵洛陽人至於慟哭

布哈帥師自鄧州還及蒙古太弟戰於三峰金師大
潰布哈棄師而逃哈達走入鈞州蒙古獲之皆死忠

孝軍總領完顏陳華善死之

蒙古兵自禹山之戰散漫而北所過州縣無不

降破遂自唐州以趨汴京金二行省自鄧州赴援步騎十五萬蒙古以騎三千尾之哈達等謀曰敵兵止

三千而我戰是弱也乃伏騎五千於鄧州道蒙古
兵前後被擁遂南避金師至鈞州沙河蒙古兵不戰
而退金師方盤營蒙古兵復來襲金師不得休息食
飲且行且戰至黃榆店望鈞州二十五里雨雪不能
進忽一近侍入軍中傳旨云兩省軍悉赴京師哈達
等遂發蒙古兵自北渡者畢集前後以大樹塞道金
將楊沃衍奪路得之陳華善擁蒙古山上之師蒙古
少却金師遂進次於三峰山金將張惠諳達穆爾立山
工望蒙古兵二三十萬陣於三峰之東厚二十餘里
二將謀曰此地不戰欲何為耶乃率萬騎乘上而下
以擁蒙古之師蒙古師卻須臾白霧蔽空人不相覩
又雪田泥渾深沒人脛軍士被甲冑僵立雪中槍槊
結凍如椽軍士有不食至三日者蒙古軍與河北軍
合四面圍之熾薪燔肉更迭休息乘金困憊乃開鈞
州路縱之走而以生軍夾擊之金師遂潰聲如崩山
忽天氣開霽日色皎然金師無一人逃者武仙率三

十騎入竹林中遂走密縣楊沃衍樊澤張惠步持大
槍奮戰而死哈達知大事已去欲下馬戰而布哈已
失所在哈達乃與陳華善等以數百騎走入鈞州太
宗皇帝在鄭州聞太弟與金相持遣扣肯巴哈齊拉
亥等赴之至則金師已潰於是乃合攻鈞州塹其城
外哈達欲走門不得出匿窟室中城破蒙古兵發而
殺之陳華善趨避隱處殺掠稍定乃出自言曰我金
國大將欲見白事蒙古兵士以數騎夾之詣太弟帳
前問其姓名曰我忠孝軍總領陳華善也大昌原衛
州倒回谷之勝皆我也我死亂軍中人將謂我負國
家今日明白死天下必有知我者蒙古兵欲其降所
足脛折之剗口吻至耳嘆血而呼至死不屈蒙古將
有義之者以馬湏酌而祝曰好男子他日再生當令
我得之布哈走蒙古兵追躡擒之械至官山太弟召
見欲降之往復譬喻萬端終不從惟曰我金國大臣
惟當金國境內死耳遂殺之哈達布哈既敗金之健

將銳卒俱盡不復可為矣蒙古因揚言曰汝家所恃惟黃河與哈達耳今哈達為我殺黃河為我有不降何待金許州軍校殺節度使瓜爾佳實倫以城降於蒙

古○二月金闡鄉行省圖克坦烏登潼關總師納哈塔和

碩秦藍總帥完顏重喜棄潼關帥師東還至鐵嶺蒙

古追及皆殺之金師大潰

初金聞蒙古入饒風乃遣烏登關陝總帥圖克坦伯奇

備潼關使宜行事伯奇馳入陝撈縣鎮遷入大城糧斛輜重聚之陝州近山者入山寨避兵會阿里哈傳旨召烏登帥兵援汴烏登遂與和碩重喜等率軍十一萬騎五十盡撤秦藍諸關之備從號入陝同華閭鄉一帶軍糧數十萬斛備闕船二百餘艘皆順流東下俄聞蒙古兵近糧皆不及載船悉空下復盡起州民運

靈寶硤石倉粟會蒙古遊騎至殺掠不可勝計金守將李平以潼關降於蒙古蒙古兵遂長驅至陝烏登發聞鄉軍士各以老幼自隨由西南徑入大山冰雪中路積雪晝日凍釋泥淖及脰隨軍婦女棄擲老幼哀號盈路行至鐵嶺欲戰而饑餒於是重喜先降蒙古從數十騎走山谷間追騎擒之皆被殺

也蒙古取金睢州遂圍歸德府不克

蒙古圍歸德金行省持嘉紐勒

歡命經歷冀禹錫守禦禹錫竭其材智故得不陷

金復以完顏薩布為左丞

相蒙古攻汴曰急財匱援絕金主大懼平章政事博索以為勢必講和議定則首相當往為質乃力

請金主起復薩布為相且括三月蒙古圍金洛陽中汴京民軍二十萬分隸諸帥

京留守完顏薩哈連赴水死警巡使強伸代守蒙古

師退

蒙古立砲攻洛洛城中惟三峰潰卒三四千及忠孝軍百餘守禦而已留守薩哈連疽發於背

不能軍三月丙戌夜城東北角破薩哈連投壕水死已而蒙古兵退元帥任守貞復立府事既而守貞援汴河南人推強伸為府僉事領所有軍二千五百人傷殘老弱者半之甫三日蒙古兵圍其三面伸括衣帛為幟立之城上率士卒赤身而戰以戰士數百往來救應大呼以慙子軍為號其聲勢與萬眾無異兵器已盡以錢為鏃得蒙古兵一箭截而為四以筒鞭發之又創過砲用不過數人能發大石於百步外所擊無不中伸奔走四應所至必捷蒙古古益兵力攻凡三月餘不能拔乃退

蒙古太宗皇帝

及太弟自鄭州北還次於官山命蘇布特總師經略

中原○金命尚書左丞李蹊奉曹王額爾克為質於蒙

古以請平夏四月蒙古蘇布特退師河洛金大赦改

元

蒙古太宗皇帝之將北還避暑也遣使自鄭州至汴諭金主降使者至主出國書以授譯史譯史以

授宰相宰相跪進金主起立受之以付有司其書索翰林學士趙秉文衍聖公孔元措等二十七家及歸順人家屬伊喇布哈妻子并繡女鴈人等金主乃封荆王守純埒克以為曹王命李蹊送之於蒙古為質以請平諫議大夫費摩阿古岱太府監國世榮為講和使未行蘇布特聞之曰我受命攻城不知其他也三月癸卯蒙古主攻具沿濠列木柵以薪草填濠項刻平十餘步平章博索以議和之故不敢與戰但於城上坐視而已城中喧闐金主聞之從六七騎出瑞門至舟橋時新雨淖車駕忽出都人驚愕失措但跪

於道傍亦有望而拜者金主自麾之曰勿拜恐泥汚汝衣倉皇中市肆米豆狼藉於地上勅衛士令各歸其家老幼遮擁至有誤觸金主衣者少頃宰相從官皆至進筵不受曰軍中暴露我何用此為所過慰勞軍士皆踴躍稱萬歲臣等戰死無所恨至有感泣者西南軍士五六十輩進曰北兵芻土填壕功已過半平章傳令勿放一鏃恐壞和事豈有此計耶金主曰朕以生靈之故稱臣進奉無不順從正有一子養未成長今往作質子矣汝等略忍待曹王出達旦不退汝等死戰未晚復有拜泣者曰事急矣聖主母望和事乃傳旨城上放箭西水門千戶劉壽控金主馬言曰聖主無信賊臣賊臣盡北兵退矣衛士欲擊之金主止之曰醉矣勿問是日曹王行蒙古兵併力進攻甲辰金主復出撫東門將士太學生楊奐等前白事金主問何所欲言曰臣等皆太學生今執砲夫之役恐非國家百年以來待士之意金主勅記姓名即免

其後過南薰門值被創者金主親為傅藥手酌卮酒以賜且出內府金帛以待有功者是日蒙古兵驅漢俘及婦女老幼負薪草填壕塹城上箭鏃四下如雨頃刻壕平龍德宮造砲石取宋艮嶽太湖靈壁假山為之小大各有斤重其圓如燈毬之狀有不如度者杖其工人蒙古兵用砲則不然破大礮或碌礮為二三皆用之攢竹砲有至十三稍者餘砲稱是每城一角置砲百餘枚更迭上下晝夜不息不數日石幾與裏城平而城上樓櫓皆故宮及芳華玉漢所折大木為之合抱之木隨擊而碎以馬糞麥秸布其上網索旃褥固護之其懸風板之外皆以牛皮為障遂謂不可近蒙古兵以火砲擊之隨即延燒不可撲救父老所傳周世宗築京城取虎牢土為之堅密如鐵受砲所擊惟凹而已蒙古兵壕外築城圍百五十里城有乳口樓櫓壕深丈許闊亦如之約三四十步置一鋪鋪置百許人守之初博索命築門外短牆委曲隱隘

容三二人得過以防蒙古兵奪門及被攻諸將請乘
夜斫營軍乃不能猝出比出已為蒙古所覺後又募
死士千人穴城由壕徑渡燒其砲坐城上懸紅紙燈
為應約燈起渡壕又為蒙古所覺又放紙鳶置文書
其上至蒙古營則斫之以誘俘者識者謂宰相欲以
紙鳶紙燈退敵難矣特有大砲名震天雷用鐵罐盛
藥以火點之砲起火發其聲如雷聞百里外所熱圍
半畝已上火點著鐵甲皆透蒙古又為牛皮洞直至
城下掘城為龕間可容人則城上不可奈何矣人有
獻策者以鐵繩懸震天雷順城而下至掘處火發人
與牛皮皆碎迸無迹又有飛火槍注藥以火發之輒
前燒十餘步人亦不敢近蒙古惟畏此物蒙古攻城
十六晝夜內外死者以百萬計於是金主母明憲皇
后陵被發蘇布特知不可取乃為好語曰兩國已講
和更相攻耶金人因就應之四月丁巳金主遣戶部
侍郎楊居仁出宜秋門以酒炙犒蒙古兵且以金帛

珍異賂之蘇布特乃許退師散屯河洛之間參政持
嘉哈沙以已守城有功欲率百官入賀參政內族色
埒曰城下之盟春秋以為恥况以罷攻為可賀耶哈
沙怒曰社稷不亡帝后免難汝等不以為喜耶乃命
趙秉文為表秉文曰春秋新宮災三日哭今園陵如
此酌之以禮當慰不當賀事乃已甲子金主御端門
肆赦改元天興詔內外官民能完復州郡者功賞有
差出金帛酒炙犒飫軍士減御膳罷冗貲放宮女上
書不得稱聖改聖旨為制旨釋衛紹王族禁錮丁卯
汴京解嚴步兵始出封丘門外采蔬薪已已建威都
尉完顏烏撈同蒙古使者摩多入汴金主見之於隆
德殿甲戌金主御承天門大享將士聞有聲屈者金
主乃**金命平章政事完顏博索致仕**博索恒怯無能
還官性復貪鄙軍士
怨憤其不敢戰博索不自安謂尚書令史元好問曰
我妨賢路久矣得退為幸為我撰乞致仕表項之金

主已遣使持詔至其第令致仕軍士猶欲殺之博索懼一夕數遷金主以親軍二百陰為之衛軍士無以泄其憤遂相率毀其別墅而後已五月金汴京大疫門出柩凡九十

餘萬貧不能葬者不在是數尋以疫後園戶僧道醫師粥棺者擅厚利命有司倍征之以助國用

月金徐州軍亂蒙古山東行省國安用入據之

李全敗

也國安用從全妻楊妙真走山東遂降於蒙古蒙古以為都元帥行省山東會徐州埽兵總領王祐張興都統封仙等夜燒草場作亂逐行省圖克坦益都安用率兵入徐執祐等斬之以封仙為元帥主徐州事

金李蹊還自蒙古○秋七月以陳貴誼同僉書樞密

院事○金飛虎卒申福等殺蒙古行人唐慶等三十

餘人於館金主不問

和議遂絕

蒙古國安用降金金封為

充王行京東尚書省事賜姓名完顏安用

安用既得徐州金宿

州東面總帥劉安國邳州杜政皆以州歸之用安遂據三州蒙古帥富珠哩聞之怒曰此三州我當攻取安用何人輒受其降遣將張進率兵入徐欲圖安用奪其州安用懼乃與徐州總帥王德全叔殺張進及海州元帥田福等數百人與楊妙真絕乃還邳州會山東諸州及徐邳宿三州主帥刑白馬結盟誓歸金朝既盟諸將皆散去安用無所歸遂同王德全劉安國因宿州從宜眾僧努自通於金眾僧努以聞未報而安用率兵萬人攻海州未至眾稍散去安用自知失計於是復金衣冠楊妙真怒安用叛已又懼為所圖乃悉屠安用家屬走還青州安用遂選兵分將期必得楊妙真金主遣近侍直長因世英等持手詔至

邳封拜安用且以空頭河朔山東赦文使得便宜從事使者至安用猶豫未決遣迎使者監於州廨問所以來使者對以封建事安用意頗順王德全杜政輩欲殺使者明日安用出見使者跪揖如等夷坐定語世英曰予向隨達旦兵攻汴嘗於開陽門下與侯勢議內外夾擊此時達旦病死者衆十七頭項皆在京城若從吾言出軍中興久矣朝廷無一人敢決者今日悔將何及言竟而起因使人取金所賜物徧觀之喜見顏色乃設宴拜授如儀令主事常謹隨世英奉表入謝金主復遣世英賜以鐵券一虎符六龍文衣一玉魚帶一弓矢二封贈其父母妻誥命及郡王宣世襲千戶宣大信牌玉兔鵲帶各十聽同盟可賜者賜之世英過徐王德全劉安國說之曰朝廷恩命豈宜出自安用郡王宣吾二人最得當者乞就留之世英乃留郡王宣世襲千戶金鄧州行省完顏色埒恒宣玉帶各二於徐而去

山公武仙鞏昌總帥完顏呼沙呼會師自汝州救汴
金主命樞密使持嘉哈沙帥師應之次於中牟八月
色埒等遇蒙古於京水遂潰哈沙棄師走還○高麗
盡殺蒙古所署達魯噶齊帥衆入於海島蒙古薩里

台伐之卒於師○金括粟民間

金主以和議既絕懼兵再至乃復僉民兵

為守禦備遂括汴京粟及籍圖克坦烏登完顏重喜納
哈塔和碩三家貲產以完顏珠額張俊民伊喇克忠等
主之置局以推舉為名珠赫諭民曰汝等當從實推
唱果如一旦糧盡令汝妻子作軍食復能吝否既而
罷括粟復以進奉取之且責官及令民買進士第又
召民賣放下年軍需錢及上戶田租已而前御史大

夫內族哈周復覲進用建言京城括粟尚可得百萬石金主乃命哈周為參知政事與左丞李璣復括之合周先令各家自實壯者存石有三斗幼者半之仍書其數門首敢有匿者以升斗論罪京城三十六坊各選深刻者主之完顏玖珠尤酷暴有寡婦二口實豆六斗內有蓮子約三升玖珠笑曰吾得之矣執故婦以令眾婦泣愬曰妻夫死於兵姑老不能為養故雜蓮粒以自食耳非敢以為軍儲也且三升六斗之餘也玖珠不聽竟死杖下聞者股栗盡棄其餘於糞溷中或曰於李璣蹊蹊輦或曰白之參政哈周曰人云花又不損蜜又得成余謂花不損何由成蜜且京城危急今欲存社稷耶存百姓耶眾莫敢言所括不能三萬斛而滿城蕭然死者相枕貧富束手待斃而已遂至人相食金主聞之命出太倉米作粥以食餓者翰林直學士錫默愛實歎曰與其食之寧如勿奪為奉御巴努所告金主怒送愛實有司賴近侍李大節

免救冬十月金納哈敏珠爾以盱眙來歸詔改為招信軍

○蒙古皇太弟薨於師睿宗皇帝娶伊奇哩王汗之弟阿法布女曰縹勒噶塔納

生六子長諱孟克是為憲宗皇帝次曰錫里庫三曰呼圖都圖四曰諱呼必賚是為世祖皇帝五曰實埒六

曰額呼布格金以汪世顯為鞏昌便宜總帥初世顯以戰功為征行從

宜分治陝西西路時調度窘迫世顯發家貲率豪右助邊鄰郡效之軍餼遂足金主以鞏昌衝要之地以

呼沙呼為總帥世顯同知府事二人盡忠固守出保石門以抗蒙古及呼沙呼勤王東下而潰金主以世

顯代之世顯勵志十一月金完顏安用襲王德全於自奮糧械精贍

徐州不克安用欲圖山東累徵兵於徐宿王德全劉安國不應安用怒會金主以密詔徵兵東

方安用因聲言入援駐師徐州城下以招德全德全
不出殺封仙而遣杜政出城會劉安國與宿帥衆僧
努引兵入援至臨渙用安遣人殺安國因攻徐州三
月不能下退歸連水以軍食不給乞糧於宋宋陽許
之用安即改從宋衣冠而陰通於金資糧之卒多亡

金河解元帥趙偉襲殺陝

州行省阿布哈努色爾以城降於蒙古○十二月壽

明仁福慈睿皇太后楊氏崩

外朝以日易月
宮中行三年喪

蒙古使

王檄來京湖議同伐金詔史嵩之遣使許之

蒙古再遣使來

議夾攻京湖制置使史嵩之以聞朝臣皆以為可遂
復離之舉獨趙范不喜曰宣和海王之盟厥初甚堅
迄以取禍不可不鑒帝不從命嵩之報使許之嵩之
乃遣鄒伸之報謝復書略曰本朝與貴國素無讎隙

寧宗遣使臣苟夢玉通和自後山東為李全所據河南又被殘金所隔貴國今上順天心下順人心遣王宣撫來通好不勝願幸謹遣伸之報謝且議金主棄

汴如河北次於黃陵岡蒙古蘇布特復圍汴

汴京糧

勢益危急召諸臣入議或言歸德四面皆水可以自保者或言宜沿西山入鄧者或言設欲入鄧蒙古蘇布特今在汝州不如陳蔡路轉往鄧下金主未決遣近侍即右司郎中巴哈家問之華言歸德城雖堅久而食盡坐以待斃決不可往欲往鄧下既汝州有蘇布特斷不可往以今日事勢計之當直赴汝州與之一決有楚則無漢有漢則無楚汝州戰不如半途戰半途戰不如出城戰蓋我軍食力猶在也若出京益遠軍食益減馬食野草事益難矣若我軍便得戰存亡決此一舉外則可以激三軍之氣內則可以慰都

人之心或止為避遭之計人心顧慮家業未必毅然
從行可詳審之金主不從而集軍士於大慶殿諭以
京城食盡今擬親出諸將佐合辭奏曰聖主不可親
出止可命將三軍欣然願為國家效死金主欲以富
察官努為馬軍帥高顯為步軍帥劉益副之三人者
欲奉命參政內族額爾克曰汝輩把鋤不知高下國家
大事敢易承耶眾默然惟官努曰若將相可了何至
使我輩事亦中止遂以右丞相薩布平章博索右副
元帥額爾克左丞李璵元帥左監丞圖克坦伯奇等帥諸
軍扈從參政納新樞副兼知開封薩尼雅布裏城四
面都總領珠赫外城東面元帥博斯呼南面元帥珠
嘉約爾珠西面元帥崔立北面元帥富珠哩瑪魯等留
守丁亥金主御端門發府庫及兩府罷皿宮人衣物
賜將士民間闕傳車駕往歸德軍士家屬留汴京目
今食盡坐視城中俱餓死矣縱能至歸德軍馬所費
支吾復得幾許日金主使薩布宣言曰前日巡狩之

議為巴哈改今往汝州索戰矣庚子金主發汴京
太后皇后妃主別大慟而出辛丑金主出城父老百
官奉辭於開陽門詔諭留守兵士曰社稷宗廟在
汝等壯士也毋以不預進發之數便謂無功若保守
無虞將來功賞豈在戰士下聞者皆灑泣是日鞏昌
元帥呼沙呼援兵至言於金主曰京西三百里之間
無井竈不可往不如幸秦鞏金主遂決意東行乙巳
次黃陵岡博索擊蒙古降其兩寨得河朔降將金主
赦之授以印符羣臣因請以河朔諸將前導鼓行入
開州取大名東平豪傑當有響應者破竹之勢成矣
溫都察遜曰太后中官皆在南京北行萬一不如意
聖主孤身欲何所為若往歸德更五六月不能還京
不如先取衛州還京為便博索曰聖體不便鞍馬且
不可令蒙古兵知帝所在今可駐歸德臣等率降將
往東平俟諸軍到可一鼓而下因而經略河朔且
河南之軍官努曰衛州有糧可取也博索曰京師且

不能守就得衛州欲何為耶金主惑之遂一意以黃
向河朔蒙古蘇布特聞金主棄汴復進圍之

伯固為四川制置使

癸巳六年

金天興二年
太宗皇帝五年

春正月金主濟河次於蒲城使

完顏博索伐衛州還及蒙古戰於白公廟金師敗績

金主走歸德府諸軍大潰博索伏誅

金主遣使徵糧
於歸德總帥特

嘉紐勒歡送糧千五百石正月丙午朔糧至蒲城東
二十里六軍給糧盡因留船二百張布為幄即日金
主乘以濟河會大風後軍不克濟蒙古回古乃追擊
於南岸金元帥賀德希力戰而死金兵溺者近千大
金主次於北岸望之震懼遂次於滙麻岡遣平章博
索帥師攻衛州至城下以御旗招之城中不應蒙古

聞之自河南渡博索遂退師蒙古史天澤以騎兵踵其後丁巳戰於白公廟金師敗績博索棄軍東遁元帥劉益上黨公張開皆為民家所殺戊午金主進次蒲城東三十里魏樓村猶欲俟蒙古兵至決戰少頃博索至倉皇言於金主曰今軍已潰北兵近在隄外請聖主幸歸德已未夜金主遂與副元帥客齊客等六七八人登舟潛渡河走歸德侍衛皆不知巡警如故翌日諸軍聞金主棄師遂大潰辛酉金主入歸德遣奉御珠嘉達實布往汴京奉迎太后及后妃諸軍怨憤金主乃暴博索罪殺之初瀕河居民聞金主北渡築垣塞戶潛伏洞穴及見富察官努一軍號令嚴肅撫勞周悉所過無絲毫之犯老幼婦女坦然相視無復畏避所在父老僧道獻食牛酒攜軍者相繼金主親為拊慰人人感泣及博索往衛州縱軍四掠哭聲滿野所過丘墟一飯之費至數十金公私皇皇民始思畔故衛城堅守而蒙古之追無來援者以至於敗

金汴京西面元帥崔立作亂殺其參知政事完顏納新及知開封府完顏薩尼雅布以衛紹王子從恪為梁王監國而幽之立自為都元帥鄭王以城降於蒙

古

初汴人以金主親出師日聽捷報及聞軍敗民始大懼時蘇布特攻城日急内外不通米升至銀二

兩殍死相望搢紳士女多行乞於市至有自食妻子者諸皮器物皆煮充饑貴家第宅市樓肆館皆撤以燬及金主遣珠嘉達實布至汴奉迎兩官人情益不安西面元帥崔立性淫狡因民之恟恟遂謀作亂以汴京降而完顏納新完顏薩尼雅布不知也正月丁卯左司都事元好問謂薩尼雅布曰自車駕出京今二十日許又遣使迎兩官民間洶洶皆謂國家欲棄京城相公何以處之薩尼雅布曰吾二人惟有一死

爾好問曰死不難誠能安社稷救生靈死可也如其不然徒欲以一身飽五十紅衲軍亦謂之死耶薩尼雅布不答好問又曰聞民間欲立二王監國以全兩官皇族奈何薩尼雅布曰我知之矣即命召京城官民聚于省中諭以事勢危急當如之何有父老七人陳詞云云納新拱立無語薩尼雅布反覆申諭繼以涕泣時兩官已出至陳留見城外二三處火起疑有兵復馳還汴京戊辰崔立拔劍指納新及薩尼雅布曰京城危困已極二公欲如何處之二相曰汝輩有事當好議之何遽如是崔立麾其黨先殺薩尼雅布次殺納新及左司郎中納哈德輝等十餘人即諭百姓曰吾為二相閉門無謀今殺之為汝一城生靈請命衆皆稱快崔立遂勒兵入官集百官議所立崔立曰衛紹王太子承恪其妹公主在北兵中可立之乃遣其黨韓鐸以太后命往召承恪承恪至以太后誥命為梁王監國百官拜舞崔立自為太師軍馬都元

卽尚書令鄭王弟倚為平章政事佩為殿前都點檢其黨皆拜官元好問亦為左右司貲外郎遂歛詣蘇布特軍癸酉蘇布特至青城崔立服御衣儀衛往見之蘇布特喜飲之酒崔立以父事之還城悉燒樓櫓蘇布特益喜始信其實降也崔立託以軍前索隨駕官吏家屬軍民子女聚之省中親閱之日亂數人猶以為不足乃禁民間嫁娶有以一女之故致數人死者未幾還梁王及宗族近屬於官中以腹心守之限其出入以荆王府為己私第取內府珍玩充實之羣小附和請建功德碑翟奕以尚書省命翰林直學士王若虛為文若虛私謂元好問曰今召我作碑不從則死作之則名節埽地不若死之為愈然我姑以理諭之乃謂奕曰丞相功德碑當指何事為言奕曰丞相以京城降活生靈百萬非功德乎若虛曰學士代王言功德碑謂之代王言可乎且丞相既以城降則朝官皆出其門自古豈有門下人為主帥頌功德

而可取信於後世者乎矣雖殘
虐聞之不能對而去事遂得已
蒙古托卜台圍金亳

州○三月金富察官努作亂殺左丞李蹊參政持嘉

紐勒歡金主以官努權參知政事

金主在歸德隨駕親軍及河北濟軍

漸集紐勒歡懼不能給白於金主乞遣出城及就糧
於徐陳宿三州金主不得已從之止留元帥富察官
努忠孝馬軍四百五十人馬用軍七百人於城中諸
軍既出城金主召官努謂曰紐勒歡盡散衛兵卿當
小心官努以馬用本歸德小校一旦拔起心常輕之
又以金主時獨召用計事而不及已因謀圖用時蒙
古托卜台圍亳州且日遣兵薄歸德民心搖搖官努
請北渡河再圖恢復紐勒歡沮之官努不悅乃私與
國用安謀邀金主幸海州金主不從官努積忿異志
益定李蹊以聞金主深憂之乃諭馬軍總領赫舍哩

阿里哈內族錫鑾陰察其動靜阿里答反以金主意告官努金主復懼官努馬用相圖因為亂命宰執置酒和解之馬用即撤備官努乘其隙率眾攻用殺之遂以卒五十人守行宮却朝官聚於都水瑪哈雅納宅以兵監之驅紐勒歡至其家悉出所有金貝然後殺之乃遣都尉馬實被甲持刃却直長把納申於金主前金主擲所握劍於地謂實曰為我言於元帥我左右止有此人且留待我實乃退官奴因大殺朝官李驥已下凡三百人軍士死者三千人薄暮官努提兵入見言紐勒歡等反臣殺之矣金主乃暴紐勒歡罪而賞官努夏四月葬恭聖仁烈皇后○金崔立執其梁

王從恪荆王守純及后妃族戚歸之於蒙古蘇布特

殺從恪守純等以后妃北還

二月乙酉崔立以天子袞冕后服進於蘇布特

又括在城金銀搜索薰灌訊掠慘酷貴族富人不堪其毒竊相語曰攻城之後七八日之中諸門出葬者凡百餘萬人恨不早預於其數而值此也崔立時與其妻入宮兩宮賜之不可勝計立因諷太后作書陳天時人事遣金主乳母入歸德招降四月癸巳立遂以太后王氏皇后圖克坦氏荆王梁王及諸妃嬪凡車三十七兩宗室男女五百餘人衍聖公孔元措名儒梁陟及三教醫流工匠繡女赴青城甲午蘇布特殺二王及族屬而送后妃等於和林在道艱楚萬狀尤甚於宋徽欽之時焉蘇布特入汴城崔立初蒙古先入其家取婢妻寶玉以出立歸大慟而已初蒙古之制凡攻城不降矢石一發則屠之汴京既陷蘇布特遣使言於太宗皇帝曰此城相抗日久士卒多傷請屠其城耶律楚材聞之馳見帝曰將士暴露數十年所爭者土地人民耳得地無民將焉用之帝未許楚材又曰凡弓矢甲仗金玉等匠及官民富貴之家皆

聚此城殺之則一無所得是徒勞也帝始許之乃詔除完顏氏一族外餘皆原免時避兵在汴者尚百四十萬戶皆得保全遂為定制

孟珙敗金武仙於順陽仙走馬蹬山

伊刺瑗以鄧州降

金唐鄧行省恒山公武仙次於順陽與唐州守將武天錫鄧州守將

伊刺瑗相犄角謀迎金主入蜀遂犯光化其鋒甚銳珙逼天錫壘一鼓拔之衆皆潰去壯士張子良斬天錫首以獻俘將士四百餘人又敗金人於呂堰俘獲不可勝計遂攻順陽武仙敗走馬蹬山縣令李英以城降移刺瑗孤立而懼遣使請降珙納之為易衣冠以賓禮見於是降者相繼珙言於制置史嵩之曰歸附之人宜因其鄉土而使之耕因其人民而主之長少長籍為軍俾自耕自守才能者分以土地任以職事使各招其徒以殺其勢嵩之從其請

五月金富察官努襲敗蒙古朮

卜台於王家寺亳州圍解

初衛州白公廟之潰官奴母為蒙古所獲金主命官

努因其母以計請和官努乃密與托卜台言欲劫金主以降托卜台信之還官努之母而定和議官努乃日往來講議或乘舟中派會飲金主又密令官努以金銀牌與來使而拘之遂定斫營之策五月五日祭天軍中陰備火槍戰具官努率忠孝軍四百五十人自南門登舟由東而北夜殺守隄邏卒徑至王家寺托卜台之營金主御北門繫舟待之慮不勝則走徐州四更接戰忠孝軍卻而復進官努以小船分軍五十七十出柵外腹背攻之持火槍突入蒙古軍中托卜台不能支遂大潰溺死三千五百人官努盡焚其柵而還遂真拜左副元帥參知政事命恩楚總軍以守亳州

金官努幽其主於照碧

堂六月官努伏誅

官努既敗托卜台勢益暴橫居金主於照碧堂終日獨處禁近無一

人敢奏對者金主惟日悲泣語近侍云自古無不亡之國不死之君但恨我不知人為此奴所囚耳於是內侍局令宋珪奉御鈕祜祿思楚烏克遜愛實等密謀討官努且聞蔡州城堅池深兵衆糧廣咸勸幸之以救飢窘會蔡息陳頴等州便宜總帥烏庫哩鎬運米四百斛至歸德且請臨幸金主意遂決及官努自亳州還金主諭以幸蔡官努知蔡備禦不及歸德及聞金主言甚憤力陳不可至於扼腕足意趣叵測因出號於衆曰敢言南遷者斬衆以官努為無君諷金主早為計金主遂與宋珪等謀已卯召宰相議事而令完出伏於照碧堂門間官努進見金主呼參政官努既應完出從後刺其肋金主亦拔劍斫之官努中創投城下以走思楚愛實追殺之忠孝軍聞變皆擐甲思楚請金主親撫慰之於是金主御雙門赦忠孝軍以安反側遂

蒙古取金洛陽中京留守強伸死

詔鎬以兵來迎幸

之初參政內族色埒自南山領軍民十餘萬入洛行省事三月金主使內侍授留守強伸便宜從事伸建一堂於洛川驛東名曰報恩刻詔文於石願以死自效已而蒙古自汴驅色埒之子於金昌府東門下誘色埒降色埒命左右射之及聞崔主之變病不能語而死總帥烏凌阿呼圖克代行省事伸行總帥府事月餘糧盡軍民稍散蒙古兵復至陣於洛南伸陳於水北蒙古韓元帥匹馬立水濱招降伸躍而射之韓奔還陣率步卒數百奪橋伸旗手一卒獨出拒之殺數人伸即手解都統銀牌與之佩士卒氣復振初城外四隅至五門內外皆有屏謂之迷魂牆蒙古以五百騎迫之伸率卒二百鼓譟而出蒙古退走六月呼圖克以蒙古兵強即以輕騎挈妻子出奔蔡州於是鷹揚都尉獻西門以降伸知城不能守率死士數十突東門出轉戰至偃師力盡就戴以一馬擁迫而行伸宛轉不肯進強振之將見蒙古帥塔齊爾及中原七里

河伸語不避兵卒相謂曰此人犂角如此若見元帥其能降乎不若殺之因好語誘之曰汝能北面一屈膝當貸汝命伸不從左右持金主如蔡州金主留元使北面伸拘頸南向遂殺之歸德遂如蔡州時久雨朝士扈從者徒行泥水中掇青囊為糧足脰盡腫明日至亳州金主黃衣皂笠金免鶻帶以青黃旗二導前黃繖擁後從者二三百人馬五十匹而已行次城中父老拜伏道左金主遣近侍諭以國家涵養汝輩百有餘年今朕無德令汝塗炭朕亦無足言者汝輩無忘祖宗之德可也皆呼萬歲泣下留一日進次亳南六十里避雨雙溝寺中蒿艾滿目無一人迹金主太息曰生靈盡矣為之一慟及入蔡州蔡之父老千人羅拜於道見金主儀衛蕭條莫不感泣金主亦歔歔遂以完顏呼沙呼為尚書右丞總領省院事烏庫哩鐫為御史大夫總帥如故張天綱權參知政事富珠哩小羅索簽樞密院事呼

沙呼有文武材忠亮誠慎事無巨細率親為之選士
括馬繕治甲兵未嘗一日忘奉金主幸秦鞏之志近
侍久困睢陽幸即汝陽之安皆娶室營業不願遷徙
日夕為金主言西幸不便金主信之呼沙呼惟深居
燕坐瞑目太息而已時蒙古兵去蔡差遠由是商賈
頗集金主安之命選室女備後宮及修見山亭為遊
息之所呼沙呼切諫乃止呼沙呼定進馬遺賞格得
馬千餘疋又遣使分詣諸道選兵詣蔡得精銳萬餘
軍威稍振扈從諸人苟一時之安遂以蔡為可守矣
忠孝軍提控李仲德率十餘人乘馬入省大呼以月
糧不優獎於罵詈忽斜虎縛仲德堂下杖之六十金
主諭呼沙呼曰此軍得力方欲倚用卿何不容忍責
罰乃爾呼沙呼對曰時方多故錄功隱過自陛下之
德至於將帥之職則不然小犯則決大犯則誅強兵
悍卒不可使一日不在紀律蓋小人之情縱則驕驕
則難制睢陽之禍豈獨官勢之罪亦有司縱之太過

耳今欲易前轍不宜愛克厥威賞必由中罰則臣任其責軍士聞之自是無復敢犯法者是時從官近侍率皆窮乏悲取給於烏庫哩鎬鎬不能人滿其欲日夕交譖於金主至以尚食闕供為言金主怒遂誅鎬鎬以被譖憂憤成疾多不視事

秋七月孟珙大敗金武仙於馬蹬山

降其衆而還

武仙愛將劉儀詣珙降珙問仙虛實儀言仙所據九砦其大砦石穴山以馬蹬

沙窩砦山三砦蔽其前三砦不破石穴未可圖也若破離金砦則砦山沙窩孤主矣珙乃遣兵攻離金掩殺幾盡是夕復令壯士擣王子山砦斬金將首而出遂圍馬蹬殺戮山積還至沙窩西與金人遇大捷板橋石穴皆降丁順復破默里砦於是仙之九砦六日而破其七劉儀又請選婦人三百偽逃歸懷招安榜以往珙料仙勢窮蹙必上砦山絕頂窺伺乃令樊文彬詰旦奪砦山駐軍其下前當設伏後遮歸路已而

仙衆果登岵山及半文彬麾旗伏兵四起仙衆失措
枕藉崖谷山為之赭殺其將烏遜實勒擒七百三十人
棄鎧甲如山薄暮珙進軍至小水河儀言仙謀往商
州依險以守然老穉不願北去珙曰進兵不可緩夜
漏十刻召文彬等受方略明日攻石穴丙夜蓐食啓
行晨至石穴時積雨未霽文彬患之珙曰此雪夜擒
吳元濟之時策馬直至石穴分兵進攻自寅至巳遂
破石穴仙走追及於鮎魚砦仙望見易服而遁復戰
於銀葫蘆山又敗之仙與五六騎奔八月師會蒙古
追之隱不見降其衆七萬珙還襄陽八月師會蒙古
伐金取唐州蒙古師布展使王檝至襄陽約攻蔡州
史嵩之先以兵會伐唐州金將烏庫哩

黑漢戰死城遂降宋師入城取食人者盡戮之云

師次於息州南金以其參

知政事穆延烏登及僉樞密院富珠哩中羅索行省院

事於息州

宋師駐於息州之南降者日衆息州刺史烏庫哩呼魯懼請益兵為備金主以富珠哩

中羅索帥忠孝軍五百往將行金主諭之曰北兵所以常取勝者恃北方之馬力就中國之技巧耳我實難與之敵至於宋人何足道哉朕得甲士三千縱橫江淮間有餘力矣以呼魯畏縮以瓜爾佳玖珠代九

月壬寅朔日有食之○金使完顏阿呼達來乞糧不

許

阿呼達將行金主諭之曰宋人負朕深矣朕自即位以來戒飭邊將無犯南界邊臣有自請征討者

未嘗不切責之向得宋一州隨即付與近淮陰來歸彼多以金幣為贖朕若受財是貨之也付之全城秋毫無犯清口臨陣生獲數千人悉以資糧遣之今棄我疲弊據我壽州誘我鄧州又攻我唐州彼為謀亦淺矣蒙古滅國四十以及西夏夏亡及於我亡必及於宋胥亡齒寒自然之理若與我連和所以為我

者亦為彼也。卿其以此意曉之。阿呼達至朝廷，不許。蒙古諾延布展圍金蔡州。

冬十月史嵩之使江海孟珙帥師會之

九月庚戌金主拜天於節

度使廳羣臣陪從成禮。金主諭之曰：「國家自開創，涵養汝等百有餘年。汝等或以先世主功，或以勞效起身，被堅執銳，積有年矣。今當厄運，與朕同患，可謂忠矣。比聞北兵將至，正汝等立功報國之秋。縱死王事，不失為忠孝之鬼。往者汝等立功，常慮不為朕所知。今日臨敵，朕親見之矣。汝等勉之。」因賜卮酒。酒未竟，邏騎馳奏敵兵數百突至城下。將士踴躍咸請一戰。金主許之。是日，分兵防守四面。及子城衆既出接戰，蒙古兵奔潰。辛亥，蒙古諾延布展以數百騎復駐城東。金主遣兵接戰，又敗之。自是蒙古不復薄城。分築長壘，圍之。城中饑，人相食。金主命縱饑民老弱羸弱者出城就食，且給饑民船，聽採城壕菱芡水草以食。

之猶不能給蒙古日耀兵城下旗幟蔽天城中駭懼
史嵩之又命孟珙江海率師二萬運米三十萬石赴
蒙古之約布展大喜與珙結為兄弟酌馬湏飲之蒙
古既得宋助益修攻具斲木之聲聞於城中城中益
恐往往竊議投降金呼沙呼日以國家恩澤君臣分
義撫循其民且營畫禦備未嘗入私室忠誠昭著軍
民感奮始有固志十一月蒙古及宋以攻具薄城金
盡籍民丁防守民丁不足復括婦人壯健者假男子
衣冠使運木石金主親出撫軍丁寧勉諭之金人自
東門出戰孟珙遮其歸路擒偏裨八十有七人得降
人言蔡城中饑珙曰已窘矣當盡死而守以防突圍
珙與布展約南北軍毋相犯十二月乙亥布展遣張
柔帥精兵五千薄城金人鈞二卒以去柔中派矢如
蜚珙麾先鋒救之挾柔以出丙子黎明珙殊死戰進
逼柴潭立柵潭上命諸將奪柴潭樓金又來爭諸軍
魚貫而上金人又飾美女以相蠱麾下張禧等殺之

遂拔柴潭樓俘其將士五百三十七人蔡州恃潭為
固外即汝河潭高於河五六丈城上金字號樓伏巨
弩相傳下有龍人不敢近將士疑畏珙召麾下飲酒
再行謂曰柴潭樓非天造地設伏弩能射遠而不可
射近彼所恃此水耳決而灌之洎可立待遂鑿隄潭
果決入汝水珙命實以新葦蒙古亦決練江於是兩
軍皆濟攻其外城已卯破之進逼土門金人驅其老
穉熬為油號人油砲人不堪其楚珙遣道士以計說
止之辛巳金總帥富珠哩羅索帥精銳五百夜出西
門人荷束藁沃油其上將燒兩軍寨及砲具蒙古兵
先覺之伏於隱處挽强弩百餘火發矢亦發金兵却
走傷者甚衆羅索僅以身免已丑蒙古及宋合兵攻
西城克之因墮其城先是忽斜虎命築寨浚壕為備
及西城墮蒙古宋兵皆未能入但於城上立柵自蔽
忽斜虎摘三面精銳日夕戰禦金主謂侍臣曰我為
金業十年太子十年人主十年自知無大過惡死無

所恨所恨者祖宗傳祚百年至我而絕與古荒淫暴
亂之君等為亡國獨為此介介耳又曰古無不亡之
國亡國之君往往為人囚繫或為係獻或辱於階庭
閉之空谷朕必不至于此卿等觀之朕志決矣庚寅
以御用罷皿賞戰士甲午金主微服率兵夜出東城
謀遁去及柵遇敵兵戰而還乙未殺廐馬五十疋及
民間馬百五十疋以犒金更造天興寶會時銀價日
將士然其勢不可為已貴寶泉日
賤民但用銀市易而不用寶泉及珍寶乃更金徐州
作寶會自一錢至四錢止行於蔡州而已

降于蒙古丞相行省事完顏薩布死之○以史彌遠

為太師左丞相兼樞密使

彌遠以疾乞解機務故申前命授之

以鄭清

之為右丞相兼樞密使薛極為樞密使喬行簡陳貴

誼參知政事○以史彌遠為保寧昭信軍節度使充

醴泉觀使封會稽郡王奉朝請彌遠尋卒

彌遠既奉朝請詔彌

遠有定策大功勤勞王室今以疾解政宜加殊禮於是二子一壻五孫皆加官秩越八日而卒彌遠獨相凡二十六年用事專且久權傾內外初欲反韓侂胄之所為故收召賢才老成布于朝廷及濟王不得其死論者羣起遂專任愉士以居臺諫一時君子貶斥殆盡帝德其立已惟言是從故恩寵終其身焉十

一月提舉千秋鴻禧觀梁成大有罪奪其秩

給事中莫澤論

成大暴狠貪婪苟賤無恥詔奪其祠祿成大天資暴險凡可以賊害忠良者率攘臂為之四方賂遺列寔堂廡賓至則導之使觀欲其效尤也雖李知孝之貧校與之共為史彌遠羽翼猶鄙其為人至謂曰所不

堪者他日與成大同傳耳

詔改明年紀元為端平

史彌遠卒帝始親政勵精求治

鄭清之亦慨然以天下為己任收召賢才擢之朝廷下詔改元曰春秋正王道之端式嚴謹始聖德開太

平之路尤貴更新

曾從龍宣繒免○刑部尚書莫澤工部尚

書李知孝有罪免

二人黨史彌遠以斥羣賢以趙葵侵欲無厭言者論之故免

為淮東制置使兼知揚州

葵入對帝問以金事葵對曰今國家兵力未贍姑從

和議俟根本既壯雪二帝之恥以復中原帝曰卿父子兄弟宣力甚多卿在行陣又能率先士卒捐身報

國此尤儒臣之所難朕甚嘉之葵頓首謝

以陳德剛為福建制置使兼知

福州

德剛醇正明決與史彌遠同鄉里每以濟王之事實彌遠貶奉祠者十年至是復用及入對帝

慰勞甚至因問夾攻蔡州以復仇如何德剛曰此在國家不可一日而忘此警但恐此舉之後方煩聖慮耳帝曰朕與廷臣深計之時不可失也德剛曰所謂時者人材資用無匱之謂陛下還有之乎帝默然

以洪咨夔王遂為監察御史

帝親政五日即召咨夔為禮部員外郎入對帝

問以今日急務咨夔言進君子退小人開誠心布公道因乞召用崔與之真德秀魏了翁帝納之望日與王遂並拜御史咨夔謂遂曰朝無臺諫久矣要當極本原而先論之因上疏乞權歸人主政出中書以致平治之道且劾資政殿學士袁韶仇視善類諂附史彌遠詔奪韶祠祿又論趙善湘鄭損陳咳納賂彌遠怙勢肆姦失江淮荆湘蜀漢人心罪狀顯著遂皆落職

十二月薛極免

極與胡桀聶子

述趙汝述附史彌遠最親用事時人謂之四木

通鑑續編卷二十一

欽定四庫全書

通鑑續編卷二十二

元 陳桎 撰

甲午 瑞平元年

金天興三年末帝承麟元年
太宗皇帝六年是歲金亡

春正月金主

守緒傳位于東面元帥承麟孟珙入蔡州蒙古師從

之金主守緒及尚書右丞完顏呼沙呼死之金主承

麟死於兵江海獲金參知政事張天綱以歸金亡

正月

庚子朔蒙古兵以正旦會飲歌吹之聲四望相接城中饑窘歎息而已辛丑孟珙見黑氣壓城上日無光

降者言城中絕糧已三月鞍靴敗鼓皆糜煮且聽以
老弱互食諸軍日以人畜骨和芹泥食之又往往斬
敗軍全隊拘其肉為糧故欲降者眾珙乃下令諸軍
銜枚分運雲梯布城下以攻之金自被圍以來戰役
將帥甚眾至是禁近以及舍人牌印省部掾屬亦皆
供役分守四城戊申蒙古兵鑿西城為五門整軍以
入督軍廖戰及暮乃退聲言來日復集是夕金主集
百官傳位於東面元帥承麟承麟拜注不敢受金主
曰朕所以付卿者豈得已哉以朕肌體肥重不便鞍
馬馳突卿平日趨捷有將略萬一得免祚胤不絕此
朕志也承麟因起受璽已酉承麟即位時孟珙之師
向南門至金字樓列雲梯令諸軍聞鼓則進馬義先
登趙榮繼之萬眾競進大戰城上烏庫哩鎬及其將
帥二百人皆降金百官稱賀禮畢亟出捍敵而南城
之陴已立宋旗幟矣俄頃四面鼓譟夾攻聲震天地
南面守者棄門走門西開孟珙招江海諾延布展之

師以入金右丞呼沙呼帥精兵一千卷戰不能禦之
金主守緒知事急即取寶玉寘於幽蘭軒環之以草
命侍臣曰死便火我遂自經死呼沙呼聞之謂將士
曰吾君已崩吾何以戰為吾不能死於亂兵之手吾
赴汝水從吾君矣諸君其善為計言訖赴水死將士
皆曰相公能死吾輩獨不能耶於是參政富珠哩羅
索烏凌阿呼圖克總帥元志元帥王善爾赫舍哩柏壽
烏庫哩和勒端及軍士五百餘人皆從死焉金主承麟
退保子城聞金主守緒死帥羣臣入哭因謂衆曰先
帝在位十年勤儉寬仁圖復舊業有志不就可哀也
已吾欲諡之哀何如衆從之莫未畢城已陷諸將禁
近共舉火焚之奉御經賓收其骨將瘞之汝水上江
海入宮執參政張天綱孟珙問金主所在天綱曰城
危時自經矣今烟焰未絕也珙乃與諾延布展分金
主骨及璽寶玉帶金銀印牌有差是日未帝承麟亦
為亂兵所殺金亡承麟者世祖和哩布之後平章博

索之弟也金自宣宗之世為宰相樞密者往往臨事
惟讓低言緩語以為養相體每有四方兵革災異輒
以聖主心困或俟再議因循苟且以度時日及出兵
則以近侍監戰每臨事多所牽制故師出無功國亂
不聞以不擅為嗣濮王○追封榮王希瓚三世祖
底於亡

考為國公

詔太師榮王已進王爵宜封三代乃封故
修武郎子吳國公伯旻益國公師意越

國公妣皆
國夫人

及蒙古以陳蔡為疆各引師歸

陳蔡東南
為宋西北

為蒙古蒙古以劉福
為河南道總管而去

史嵩之使郭春詣奉先汛掃諸

陵○史嵩之使孟珙還師襄陽江海還師信陽王旻

成隨州王安國守棗陽蔣成守光化楊恢守均州並

益兵飭備經理屯田於唐鄧州○金穆延烏登以息

州來歸蒙古追殺之取其城

烏登行省於息州與諸帥日以歌酒為樂軍士

淫縱及聞蔡州破乃與富珠中羅索瓜爾佳玖珠等送款於宋為金主發喪設祭上諡曰昭宗州民羣奉烏登為丞相羅索為平章皆娶婦壬子舉城南遷宋人焚樓櫓蒙古望見火起追及於羅山盡殺之且索行省已下官屬於宋宋託以犒賞召入城自萬戶以下凡七百人皆被殺蒙古兵至宋人斂避金兵悉見誅

二月以趙彥呐為四川安撫制置使兼知興元府○

蒙古入金徐州完顏用安自殺○三月以賈似道為

籍田令

似道涉之子而貴妃之弟也少落魄為游博不事操行以陰補嘉興司倉帝以貴妃故累

擢籍田令恃寵不檢日縱遊諸妓家至夜即燕遊湖
上不反帝嘗夜憑高望西湖中燈火異常時語左右
曰此必似道也明日詢之果然使京尹史巖之戒之
巖之對曰似道雖有少年習氣然其才可大用也由
是帝眷
詔太常主簿朱揚祖詣洛陽省謁八陵
史嵩之露

注矣
布至詔遣朱揚祖林拓往省謁八陵
尋復遣朱復之詣八陵相度修奉
夏四月獻金俘

於太廟論功行賞有差

史嵩之遣使以孟珙所獲金
哀宗遺骨及寶玉法物并俘

因張天綱完顏好海等獻於臨安四月丙戌備禮告
於太廟藏其骨於大理寺獄庫加孟珙帶御器械江
海已下論功行賞有差知臨安府薛瓊問天綱曰有
何面目到此天綱曰國之興亡何代無之我金之亡
比汝二帝何如瓊叱之明日奏其語帝召天綱問曰
汝真不畏死耶天綱對曰大丈夫患死之不中節耳

何畏之有因祈死不已帝不聽初有司令天綱供狀
必欲易其所書故主天綱曰殺即殺焉用狀為有司
不能屈聽其所供天綱但書故主而已聞者憐之後
莫知其所終○監察御史王遂言史嵩之本不知兵
矜功自侈謀身詭秘欺君誤國留之襄陽一日則有
一日之憂洪咨夔亦言殘金雖滅隣國方強益嚴守
備猶恐不逮豈可動色相賀渙然
解體以重方來之憂哉皆不報

五月以趙范為兩

淮制置使兼知黃州○賜黃幹李燔李道傳陳宥樓

昉徐暄胡夢昱等謚錄用其子

以其阨於權姦而各行其志沒齒無怨也

蒙古以嚴實為東平路行軍萬戶

蒙古之有山東實功為多初實所統

有全魏十分齊之三魯之九凡五十四城至是畫境割大名彰德外屬而益以德充濟單四州實統地既

廣為東方牧伯之長時所在殘毀實披荆棘扞豺狼
弊衣糲食暴露風日挈溝壑轉徙之民置之衽席之
上勸耕稼豐委積辟用賢良汰逐貪墨所統治安東
平遂為樂土四方之民爭赴之實為之合散亡業單
貧舉喪葬助婚嫁莫不感其惠焉招
徠名士置諸幕府後多為賢公卿 六月以曾從龍

參知政事喬行簡知樞密院事鄭性之陳德剛僉書

院事○詔復巴陵縣公竑官爵賜竑妻吳氏號慧淨

法空大師

從陳德剛及太常少卿徐僞之請也

趙范趙葵請復三京詔

金子才會師趙汴金故將李伯淵等誅崔立以降

趙范

趙葵欲乘時撫定中原建守河據關收復三京之議
朝臣多以為未可獨鄭清之力主其說乃命趙范移

司黃州刻日進兵范參議官丘岳曰方興之敵新盟而退氣盛鋒銳寧肯捐所得以與人耶我師若往彼必突至非惟進退失據開釁致兵必自此始且千里長驅以爭空城得之當勤餽餽後必悔之范不聽史嵩之亦言荆襄方爾飢饉未可興師杜杲復陳守境之利出師之官喬行簡時在告上疏曰八陵有可朝之路中原有可復之機以大有為之資當大有為之會則事之有成固可坐而策也臣不憂師出之無功而憂事力之不可繼有功而至於不可繼則其憂始深矣夫自古英君必先治內而後治外而今內未盡治也欲用其民必先得其心以為根本而數十年來上下皆懷利以相接耳規恢進取必須選將練兵豐財足食而今將之卒寡財匱食竭臣恐北方未可圖而南方已先騷動矣願堅持聖意定為國論以絕紛紜之說皆不聽而詔知廬州金子才合淮西兵萬人赴汴時汴京都尉李伯淵李琦李賤奴等為崔立所

海謀殺之及聞子才軍至伯淵等以書約降而陽與
立謀備禦之策六月伯淵燒封丘門外以警動立主
殊不安伯淵等乃來約立視火主從苑秀折希顏等
數騎往諭京城民十五以上七十以下男子皆詣太
廟街點集既還行及梳行街伯淵欲送立還府立辭
數四伯淵必欲親送立不疑倉卒中就馬上抱立立
頽曰汝欲殺我耶伯淵曰殺汝何傷即出匕首橫刺
之洞而中其手之抱立處再刺之主墜馬死伏兵起
元帥三合殺苑秀折希顏後至不知見立墜馬謂與
人鬪欲前解之隨為軍士所殺伯淵繫立屍馬尾至
內前號于衆曰立殺害叔奪奪烝淫暴虐大逆不道古
今無有當殺之否萬口齊應曰寸斬之未稱也乃梟
立首望承天門祭哀宗伯淵以下軍民皆慟或剖其
心生取之以三屍掛闕前槐樹上樹忽拔起人謂樹
有靈亦厭趙葵帥師會金子才於汴秋七月葵遣徐
其所為也

敏子帥師入洛陽蒙古還師南下

全子才次於汴趙蔡自滁州以淮西

兵五萬取泗州由泗趨汴以會之蔡謂子才曰我輩
始謀據關守河今已抵汴半月不急攻洛陽潼關何
待耶蒙古聞宋來爭河南還師赴之決黃河寸金淀
之水以灌宋師宋師多溺死時盛夏行師汴隄亦決
水潦泛溢史嵩之又不致餽糧用不繼而所復州郡
率皆空城無兵食可因子才難之蔡督促益急乃檄
鈴轄范用吉樊幸李先胡顯等提兵萬二千命淮西
制置司機宜文字徐敏子為監軍先令西上又命楊
誼以廬州強弩軍萬五千繼之各給五日糧諸軍以
糧少為辭七月庚辰徐敏子啓行乙酉和州寧淮軍
正將張迪以二百人趨洛陽蒙古聞迪來乃伏軍士
於城外驅民出城以誘之迪至城下城中寂然無應
者至晚有民庶三百餘家登城
八月朱揚祖還自洛
投降迪與敏子遂帥眾入城

陽

朱揚祖朝陵行至襄陽會謀報蒙古兵傳宋來爭河南府哨已及孟津陝府潼關河南皆增屯戍設

伏兵又聞淮間刻日進師衆畏不前孟珙曰淮東之師由淮泗邇汴非旬餘不達吾選精騎疾馳不十日可竣事遽師至東京吾已歸矣於是珙與二使晝夜兼行至陵下奉宣御表成禮而還至臨安入對以八陵圖上進帝問諸陵相去幾何及陵前澗以趙范為水新復揚祖悉以對帝含淚太息久之

京河關陝宣撫使知開封府東京留守趙葵為京河

制置使知應天府南京留守全子才為關陝制置使

知河南府西京留守○京湖制置使史嵩之免

詔嵩之與

趙范掎角以復三京嵩之力陳非計故奉祠

蒙古師至洛陽城下徐敏子

以師還趙葵金子才遂棄汴而歸

徐敏子入洛之明日軍食已竭乃采

蒿和麪作餅而食之楊誼至洛東三十里方散坐薦食忽數里外有立紅黃涼繖者衆方駭異而蒙古伏兵突起深蒿中楊誼倉卒無備師遂大潰為蒙古擁入洛水者無數誼僅以身免是晚有潰卒奔告於洛北曰楊誼一軍已為蒙古大陣衝散今蒙古兵已據北岸矣于是入洛之師皆奪氣八月朔旦蒙古兵至洛陽城下立寨敏子與戰勝負相當士卒乏糧因殺馬而食敏子等不能留乃班師趙葵金子才遂皆引師南還趙范以入洛之師敗績上表劾葵子才輕進偏師趙楷劉子澄參贊失計師退無律致後陣覆敗詔貶秩有差鄭清之力請解政不許喬行簡上言三京挽敗之餘事與前異但當益修戰守之備帝嘉納之

九月以趙范為京湖制置大使知襄陽府○詔趙葵

措置河南京東營田邊備金子才措置唐鄧息州營

田邊備○陳德剛卒

德剛居位七日而卒帝深惜之

召真德秀為翰

林學士魏了翁直學士院

帝因民望召還二人德秀入對帝迎謂曰卿去國十

年每切思賢德秀以大學衍義上進因言于帝曰天之所助者順人之所助者信天厭禍亂久矣陛下儻能敬德以迓續休命中原終為吾有若徒以力求之而不反其本天意難測臣實憂之了翁入對言事劉切反覆利害之端至漏下四十刻乃退帝皆嘉納之冬十月陳貴誼卒○以孟

珙兼御前忠義軍都統制

珙留襄陽招中原精銳之士萬五千餘人分屯漢北

樊城新野唐鄧間以備蒙古名鎮北軍詔以為襄陽府駐劄御前忠義軍命珙兼領之

十二月

蒙古使王檄來以鄒伸之為報謝使

蒙古使王檄來言曰何為而敗

盟也自是淮漢之間無寧日矣

乙未

二年

太宗皇帝七年

春正月以程希為蒙古通好使○詔孟

珙黃州駐劄措置邊防

珙赴樞密院稟議因入對帝曰卿名將子忠勤體國破蔡

滅金功緒昭著珙對曰此宗社威靈陛下聖德與三軍將士之勞臣何力之有授武功郎主管侍衛馬軍

司公事時暫黃州駐劄朝辭帝問恢復珙對曰願陛下寬民力蓄人材以俟機會帝問和議珙對曰臣介

冑之士當言戰不當言和賜賚甚厚珙至黃增埤浚隍蒐訪軍實邊民來歸者日以千數為屋三萬間以

居之厚加賑貸又慮軍民雜處因高阜為齊安鎮淮二砦以居諸軍二月蒙古城和林

和林本唐回鶻毗伽汗之故城蒙古以為會同之所至是城之周四五里許正殿曰萬安三月以

真德秀參知政事陳卓同簽書樞密院事○夏五月

真德秀卒

德秀拜參知政事時已得疾遂三上表乞祠帝不得已授資政殿學士提舉萬壽宮

逾旬而卒德秀立朝不滿十年奏疏將數十萬言皆切當世要務直聲震朝廷四方文士誦其文想見風采及官遊所至惠政深洽不愧其言由是中外交頌都城人時驚傳湏洞奔擁出闕曰真直院至矣果至則又填塞聚觀不置史彌遠以是忌之輒擯不用而聲聞愈章及歸朝將大用則既衰矣然自韓侂胄立偽學之名以錮善類凡近世大儒之書皆顯禁絕之德秀晚出獨慨然以斯文自任講習而服行之黨禁既開正學遂明于後六月以鄭清之喬行簡為左右世德秀之力為多焉

丞相並兼樞密使曾從龍知樞密院事鄭性之同知

院事陳卓然書院事。葛洪免。召崔與之參知政

事不至

與之自成都乞歸廣州每有除命皆力辭不起及拜廣東安撫會摧鋒軍士作亂與之肩

輿登城叛兵望之俯伏聽命而散因即家治事帝注想猶切及召參大政與之力辭帝乃遣使趣之且訪

以政事之當行罷者人才之當用舍者與之上疏曰天生人才自足以供一代之用惟辨其君子小人而

已忠實而有才者上也才不高而忠實有守者次也用人之道無逾于此帝嘉納之召命益力與之控辭

至十三疏不許

蒙古奎騰太子侵蜀漢

太宗皇帝命奎騰太子侵蜀漢庫裕克太子

伐西域唐古和爾齊伐高麗蒙古人每甲一名西征一名南征中州戶十戶一名南征一名伐高麗秋

七月蒙古侵唐州知隨州金子才知棗陽軍劉子澄棄師走趙范師敗蒙古于上聞而還○冬十月金

鞏昌總帥汪世顯降于蒙古

金亡郡縣皆降獨世顯堅守不下一日謂其衆

曰宗祀已矣吾何愛一死千萬人之命懸于吾手平居享高爵厚祿死其分也餘者何罪與其自經于溝瀆姑徇一時之節孰若屈已紓斯人之禍會蒙古太子奎騰入蜀次于鞏昌城下世顯率耆老持牛羊酒幣迎謁太子謂之曰吾征討有年所至皆下汝獨固守何也世顯曰有君在上賣國市恩之人諒所不取太子大悅戒其下秋毫無犯俾世顯仍舊職即日令帥所部從征世顯遂截嘉陵進趨大安太子資其糧械以入蜀
十二月以魏了翁同僉書樞密院事督視江淮

京湖軍馬

了翁在朝凡六月前後二十餘疏皆當世急務帝將引以共政而忌者相與合謀排

擯之且言了翁知兵體乃命出視師賜便宜詔書如張浚故事陞辭御書唐嚴武詩及鶴山書院四大字

賜之了翁開幕府于江州以吳潛為參謀官趙善翰馬光祖為參議官

曾從龍卒○以

余礫同僉書樞密院事○蒙古奎騰太子入沔州知

州事高稼死之

稼在沔葺理創殘招集流散民皆襁負歸之又數與蒙古力戰奇功甚多

至是蒙古自鳳州入四川東路之師多敗遂擣西池谷距沔九十里吏民議退保大安稼言于制置使趙彥呐曰今日之事有進無退若能進據險地以身捍蜀敵有後顧必不深入若倉皇召兵退守內地敵長驅而前蜀事去矣彥呐曰吾志也已而竟行留稼守沔蒙古自白水關入六股株距沔六十里沔無城依

山為阻稼升高鼓噪盛旗鼓為疑兵彥呐至置口輟
帳前總管和彥威以軍還沔召小校楊俊何璘以兵
會又選精兵千人命王宣帥以助之已而蒙古大至
何璘遁沔州遂陷眾擁稼出戶稼叱之不能止敵圍
殺之

蒙古圍青野原曹友聞救卻之

趙彥呐聞高稼死
沔州破乃進屯青

野原蒙古圍之知天水軍曹友聞曰青野為蜀咽喉
不可緩也即往救之夜半截戰遂解其圍既而蒙古
先鋒汪世顯擣大安友聞又救之指麾甫畢蒙古大
軍數萬突至友聞迎戰又敗之敵乃退友聞遂引兵
扼仙安南入貢

丙三年

太宗皇帝八年

春正月蒙古侵江陵統制李復明死之

○二月蒙古侵蘄州孟珙帥師救卻之○蒙古初行

交鈔

從耶律楚材之請也
以萬定為額

召魏了翁還以為僉書樞密

院事固辭不拜

廷臣多忌了翁者故謀假出督以外
之甫二旬復以建督為非而召之還

而帝不悟於是
了翁固辭求去

以陳韓為沿江制置使知建康府史

嵩之為淮西制置使知廬州○三月襄陽將王旻等

作亂以城降於蒙古

趙范在襄陽以北軍主將王旻
李伯淵樊文彬黃國弼等為腹

心朝夕酣狎了無上下之分民訟邊防一切廢弛既
而南北軍交爭范失於撫馭於是旻伯淵焚襄陽城
郭倉庫相繼降於蒙古時城中官民尚四萬七千有
奇財粟在庫倉者無慮三十萬軍器二十四庫皆為
蒙古所有金銀鹽鈔不與焉南軍主將李虎不救焚
不定變反因勢劫掠襄陽為之一空自岳飛收復以

來生聚繁庶城高池深甲於西陲一旦灰燼禍至慘也詔削趙范三官仍舊職任

夏四月魏

了翁罷

乞歸田里也

詔悔開邊

時師屢為蒙古所敗襄漢淮蜀日事兵爭帝悔前事

命學士吳泳草詔罪己泳以監察御史王萬忠伏有大志精於邊防以詔意訪之萬曰兵固失矣言之甚恐亦不可今邊民生意如髮宜以振厲奮發興感人心因為條具沿邊事宜泳從其言草詔上進其略曰自江閩之羣盜弗靖豎淮楚之逆雖為妖數年之間多難已甚屬讎金之寢滅而蒙古之興隣不利西南蓋嘗躡階成而擾興汚其在辛卯遽已窵金房以瞰襄拱逮合謀成破蔡之功恐假道有及虞之勢心之憂矣臍可噬乎固將布失于國中以志吾過但使留屯于塞上自守我疆忽西陲之弗寧駭北騎之深入賴仙原有以議後而蜀道得以安全然虐鰥之所經視曩歲而尤慘重以唐均之叛將發此京湖之禍機

肆荼毒於列城至蔓延於他路兵民之死戰關戶口
之困流離室廬靡存骸骨相望致援師之暴露及科
役之繁苛為之騷然有足閔者是皆朕明不能燭德
有未孚上無以格乎天之心下無以定乎民之志今
方施令行政以為綏輯之圖補卒蒐乘以嚴
守禦之備想瘡痍之溫目如疾病之在身
蒙古取

襄陽府隨郢州荊門軍○蒙古命呼魯呼括漢民戶

數

初蒙古惟事進取所降之戶因以與將士自一社

一民各有所主不相統攝至是詔括戶口以大臣
呼魯呼領之民戶始隸州縣時羣臣共欲以丁為戶
耶律楚材以為不可眾皆曰我朝及西域諸國莫不
以丁為戶豈可捨大朝之法而從亡國之政耶楚材
曰自古有中原者未嘗以丁為戶若果行之可輸一
年之賦隨即逃散矣太宗皇帝從楚材之議時諸王
大臣諸將所得驅口往往寄留諸郡幾居天下之半

楚材請因括戶口皆籍為民帝從之五月以趙葵為淮東制置使兼知

揚州

葵至揚墾田治兵邊備以飭

秋七月陳卓罷○以鄭性之參

知政事李鳴復僉書樞密院事○八月京湖制置大

使趙范有罪免

討失襄陽之罪也

蒙古取棗陽軍德安府

初

古破許州獲金軍資庫使姚樞楊惟中見之以兄事
樞時北庭無漢人士大夫太祖皇帝見樞至甚喜特
加重焉及奎騰太子南伐俾樞從惟中即軍中求儒
釋道醫卜之人樞招致稍衆至是破棗陽大將武洩
牙欲阮士人樞力與辨得脫死者數十人繼拔德安
得趙復以儒學見重於世其徒稱為江漢先生既被
獲不欲北行力求死所樞譬說百端復始悟樞與至
燕學徒百人由是北方始知經學而樞亦初得覩程

朱性理
之書焉

蒙古以中原民戶分隸宗戚

六月呼魯呼以所括戶一百四

萬上于太宗皇帝帝命分賜諸王貴族為湯沐邑耶律楚材奏曰尾大不掉易以生隙不如多與金帛足以為恩帝曰業已許之矣楚材曰若設官吏必自朝命本投下止設達魯噶齊歲賦以七分為率五分入府藏二分為湯沐之資非恒賦外不令擅自徵斂或可耳從之於是皇后太子公主駙馬貴戚皆有分地

癸九月辛未有事於明堂大雨震電鄭清之喬行簡

免○召崔與之為右丞相兼樞密使辭不至○利州

統制曹友聞及蒙古戰於陽平關敗績死之蒙古奎

騰太子遂入蜀次于成都

曹友聞帥師扼仙人關謀報蒙古太子合蕃漢軍五

十餘萬將至友聞謂弟萬曰國家安危在此一舉眾寡不敵豈容浪戰惟當乘高據險出奇設伏以待之蒙古攻武休關敗都統李顯忠軍遂入興元欲衝大安軍制置使趙彥呐檄友聞控制大安以保蜀口友間以為不可彥呐不從友聞乃遣弟萬及友諒引兵上雞冠隘多張旗幟示敵堅守友聞選精銳萬人夜渡江密往流溪設伏約曰敵至內以鳴鼓舉火為應外呼殺聲蒙古兵果至萬出逆戰蒙古巴圖爾擁萬騎達海帥千人往來搏戰矢石如雨萬身被數創令諸軍舉烽火聞遣統制楊大金馮大用引本部出東萊園擊敵後隊總管夏用趙興帥本部出水嶺擊敵中隊總管呂嗣德陳庠帥本部出龍泉頭擊敵前隊友聞親帥精兵三千人疾馳至隘下先遣統領劉虎帥敢死士五百衝敵前鋒不動友聞乃伏三百騎道旁而令虎銜枚突陣會大風雨諸將請曰雨不止淖渾深沒足宜俟少霽友聞叱曰敵知我伏兵在此緩

必失機遂擁兵齊進友聞入龍尾頭萬聞之五鼓出
隘口與友聞會內外兩軍皆殊死戰血流二十里西
軍素以棉裹代鐵甲經雨濡濕不利步鬪黎明蒙古
兵益增以鐵騎四面圍繞友聞嘆曰此殆天乎吾有
死而已於是極口詬罵殺所乘馬以示必死血戰愈
厲與弟萬俱死軍盡沒蒙古兵遂長驅入蜀一月之
間成都利州潼川三路所屬府州軍監關隘縣砦俱
陷沒太子次於成都四蜀所存惟夔州一路及潼川
府路所屬瀘合冬十月蒙古奎騰太子自成都入文
州順慶府而已

州守臣劉蛻趙汝鼎死之○立陳日昃為安南國王

○十一月以喬行簡為左丞相兼樞密使○蒙古扣

肯布哈入淮西詔史嵩之趙葵陳韓援之

扣肯布哈入淮西斬

舒光州守臣皆遁扣肯布哈合三州人馬糧械趨黃
州遊騎自信陽趨合肥詔淮西史嵩之援光淮東趙
葵援合肥沿江陳韓蒙古特默台侵江陵孟珙帥師
過和州為淮西聲援

敗之

特默台攻江陵史嵩之遣珙救之珙遣張順先
渡而自以全師繼之變易旌旗服色循環往來

夜則列炬照江數十里相接珙又遣趙武等與戰
珙親往節度遂破蒙古二十四砦還民二萬而歸蒙

古侵真州知州丘岳敗之

蒙古攻真州岳部分嚴明
守具周悉蒙古兵薄城輒

敗岳乘勝出戰於胥浦橋以強弩射其致師者一人
死之敵兵少卻岳曰敵衆十倍於我不可以力勝也
乃為三覆設砲石待之於西城敵至伏起砲發殺其
驍將敵衆大擾岳選勇士襲敵營焚其廬帳越二日
皆引去
蒙古始定戶口田畝鹽商賦稅之法
蒙古既括
戶數乃定

賦稅每二戶出絲一斤以供官用五戶出絲一斤以與受賜貴戚功臣之家上田每畝稅三升半中田三升下田二升半水田畝五升商稅三十分之一鹽每銀一兩四十斤已上以為永額朝臣皆謂太輕耶律楚材曰將來必有以利進者則已為重矣既而燕京劉忽篤馬陰結權貴以銀五十萬兩購買天下差發涉獵發丁以銀二十五萬兩購買天下係官廊房地基水利猪雞劉庭玉以銀五萬兩購買燕京酒課又有回回以銀一百萬兩購買天下河泊橋梁渡口者楚材曰此皆姦人欺下周上為害甚大咸奏罷之

蒙古命括牝馬于中原未行而罷

近臣有請刷漢地北馬者太宗皇帝

從之耶律楚材諫曰漢地所有繭絲五穀耳非產馬之地若今日行之後必為倒是徒擾天下也乃止又侍臣托歡奏選室女楚材諫止之帝怒楚材曰向所刷室女二十八人尚在燕京足備使令而托歡傳旨

又欲徧行選刷臣恐
重擾百姓耳帝乃止
復成都府

丁酉 嘉熙元年

太宗皇帝九年

春正月以李真同知樞密院事四

川宣撫使知成都府○二月以鄭性之知樞密院事

鄒應龍僉書院事李宗勉同僉書院事○詔經筵兼

進講朱熹通鑑綱目○蒙古選試儒者及釋道之人

耶律楚材言僧道中避役者多合行選試遂汰三教
僧道試經通者給牒受戒居寺觀儒人中選者則復

其家蒙古始給官府符印

初諸路官府自為符印僭越
無度耶律楚材奏並仰中書

省依式鑄造由
是名罷始重

蒙古始定驛令

時諸王貴戚皆得自
起驛馬而使臣猥多

馬悉之則豪奪民馬乘之城郭道路騷擾所至須索
百端供饋稍緩輒被箠撻館人不能堪耶律楚材請
給牌劄定飲食分
例其弊始革馬
三月蒙古伐欽察烏魯斯默爾奇斯

部皆降之

欽察去中國三萬餘里夏夜極短日暫沒
輒出土產良馬富者以萬計俗衽金草勇

猛剛烈青日赤髮至是憲宗皇帝受命帥師至衮騰
吉斯海會大風海水洄遂進師屠其衆生獲其酋長
巴特瑪命之跪巴特瑪曰我國王也且夏六月鄒應
非駝何可跪人終不以是求生乃舍之

龍罷○孟珙敗蒙古於黃州

蒙古扣肯布哈攻黃州
甚急珙帥師救之入城

軍民喜曰吾父來矣駐帳城樓指
畫戰守屢敗蒙古之師卒全其城臨安大火
臨安大火自巳

至酉燒民廬五十三萬士民上書咸訴濟王之寃侍
御史蔣峴史彌遠之黨也上疏謂火災天數何預故

王遂勅方大琮王逸劉克莊等鼓扇異論同日去國并斥進士潘昉姓同逆賊語涉不順請論以漢法自是羣臣無敢復言濟王之寃矣

詔建內小學

擇宗子十歲以下資質美者二三人置師教之

秋八月追封趙汝愚為福王○以李鳴復參知政事

李宗勉僉書樞密院事○冬十月蒙古侵安豐知軍

事杜杲敗之蒙古自淮西北還

杲肯布哈攻安豐杜杲繕完守禦蒙古以

火砲焚樓櫓城多墮陷杲隨補完蒙古令巴圖爾硬軍斫牌杈木杲募善射者用小箭射其目巴圖爾多傷而退蒙古填壕為二十七壘杲分兵扼壘蒙古乘風縱火俄而風雪驟作杲募壯士奪壘路士皆奮躍死戰會池州都統制呂文德突圍入城與杲合力捍禦蒙古引去淮西以安文德安豐人魁梧勇悍嘗粥

薪城中趙葵見其遺履長尺有咫異而訪之留置帳下遂累功勞超擢軍職

十二月戊寅

朔日有食之○詔陳韓史嵩之趙葵守禦淮漢

戊戌

二年

太宗皇帝十年

春正月以余天錫同僉書樞密院事○

二月以史嵩之參知政事督視京西荆湖江西路光

蘄黃夔施州軍馬置司鄂州○蒙古使王楫來詔朱

楊祖送之○以孟珙為京湖制置副使置司松滋縣

○三月以周次說為蒙古通好使○以李心傳為史

館修撰

初隆州井研人李舜臣博學力行多所著述尤邃於易嘗曰易起於畫理事象數皆因畫

以見舍畫而論非易也畫從中起乾坤中畫為誠明
朱熹每為學者稱之有子三人曰心傳道傳性傳心
傳閑戶著書有史才通故實至是召為修撰專脩高
孝光寧四朝實錄道傳尤明河洛之學操行脩潔

夏四月以李璽督視江淮京湖軍馬以丁黼為四川

制置使兼知成都府○五月以李鳴復知樞密院事

余天錫僉書院事李宗勉參知政事

喬行簡請以兵
事委鳴復財用

委宗勉楮幣委天錫當會議
者臣則參酌行之帝從其請

詔崔與之提舉洞霄宮

與之未嘗造朝帝嘗虛位待之至是始得奉祠任便
居住踰年卒年八十二與之出自番禺所歷皆有政
意眾以公輔望之而與之屹然有大臣風
竟與唐張九齡齊名異代良可尚也哉

六月李璽

卒○秋七月以趙以夫同知樞密院事○九月蒙古

圍廬州知州杜杲敗之詔加杲淮西制置使

蒙古察罕帥兵

號八十萬圍廬州期破廬後造舟巢湖以窺江左於壕外築土城周圍六十里穿兩壕攻具皆數倍于攻安豐時杜杲極力守禦蒙古築塹高於城樓杲以油灌草即塹下煉之皆為煨燼又於串樓內立鴈翅七層俄砲中塹上衆驚杲乘勝出戰蒙古敗走杲追躡數十里杲又練舟師扼淮河遣其子庶監呂文德聶斌伏精銳於要害蒙古以孟珙為京湖制置使知岳不能進遂引師北歸

州○冬十月史嵩之復光州○孟珙復郢州荊門軍

珙受詔收復京襄珙謂必得郢然後可以通餽饟得荊門然後可以出奇兵及至岳州檄江陵節制使擣

襄郢召諸將指受方略發兵深入於是張俊復郢州
賀循復荊門珙以諸將皆捷乃以蔡息降人置忠衛
軍襄郢降人
置先鋒軍
蒙古領中書行省楊惟中建太極書院

於燕京延趙復為師

時瀛溪周子之學未至於河朔
楊維中用師於蜀湖京漢得名

士數十人始知其道之粹乃收集伊洛諸書載送燕
京及師還遂建太極書院及周子祠以二程張楊游
朱六子配食又刻太極圖通書西銘於祠壁請趙復
為師儒王粹佐之選俊秀有識度者為道學生由是
河朔始
知道學

己亥三年

太宗皇帝
十一年

春正月以喬行簡為少傅平章軍國

重事

行簡十上章請謝事詔
用元祐故事以尊異之

以李宗勉為左丞相兼

樞密使史嵩之為右丞相兼樞密使督視江淮四川京

湖軍馬

嵩之自鄂入見故就命之時三相當國論以余者謂喬失之泛李失之隘史失之專云

天錫參知政事游侶同僉書樞密院事○三月孟珙復

信陽光化軍樊城襄陽府

襄陽既復珙奏曰取襄不難而守為難非將士不勇也非

車馬器械不精也實在乎事力之不給爾襄樊為朝廷根本今百戰而得之當加經理如護元氣非甲兵十萬不足分守與其抽兵於敵來之後孰若保此全

勝上兵伐謀此不爭之爭也乃益置先鋒馬

夏五月

蒙古遣使如高麗

蒙古既伐高麗高麗屢敗乃復入貢請平蒙古令其王暇親朝當罷兵

秋八月以游侶參知政事許應龍僉書樞密院事林略

同僉書院事○蒙古塔海復取成都制置使丁黼敗死

蒙古遂取漢中簡眉閬蓬文州遂寧重慶順慶府○冬

十月許應龍林略罷十一月以范鍾僉書樞密院事○

十二月孟珙遣師分道禦蒙古於蜀口遂復夔州

孟珙聞蒙

古塔海及禿雪帥衆號八十萬南侵策其必道施黔以透湖湘乃請粟十萬石以給軍餉以二千人屯峽州千人屯歸州命弟瑛以精兵五千駐松滋為夔州聲援于德興增兵守歸州隘口萬戶谷及蒙古至珙密遣劉全帥師禦之命伍智思以千人屯施州蒙古既入蜀珙增置營砦分布戰艦遣張仲舉提兵間道抵均州防遏且設策備禦未幾蒙古渡萬州湖灘施夔振動珙兄璟時知峽州帥兵迎拒於歸州大埡砦會蒙古於襄樊隨信

陽招集軍民布種積船材於鄧之順陽玳遣張漢英出
隨任義出信陽焦進出襄分路撓其勢遣王堅潛兵燒
所積船材又度敵必因糧於蔡遣張德劉整分兵入蔡
火其積聚且條上方略由是京湖稍安其業遂復夔州
以陳埴為國子司業

埴史彌遠之甥而德剛之族弟也
紹定中為太常博士上疏乞去君

側之蓋媚以正主德從天下之公論以新庶政蓋指賈
貴妃及彌遠也彌遠名謂曰何為好名埴曰好名孟子
所不取然求士於三代之上惟恐其好名求士於三代
之下惟恐其不好名耳因力請外彌遠薨乃召還至是
以吏部侍郎改司業諸生相慶以為得師
學益相勵論者以中興國學未之有也

庚子

四年

太宗皇帝
十二年

春正月蒙古以溫都爾哈瑪爾提領諸

路稅課所

初耶律楚材定課稅銀額每歲五十萬兩
及河南降戶口滋息增至一百一十萬兩

至是回回溫都爾哈瑪爾請以二百二十萬兩撲買之
楚材持不可曰雖取五百萬亦可得不過嚴課法禁
陰奪民利耳民窮為盜非國之福近侍左右皆為溫
都爾哈瑪爾所啗太宗皇帝惑之楚材言不行乃太息
曰撲買之利既興必有躡跡而纂
其後者民之窮困將自此始矣
二月以孟珙為四

川宣撫使兼知夔州節制歸峽鼎澧州軍馬珙遂大

興屯田

珙至鎮招集散民置寧武軍以降人回鶻愛
里八都魯為飛鶻軍釐蜀政之弊為條班諸

郡縣且曰不擇險要立砦柵則難責兵以衛民不集
流離安耕種則難責民以養兵乃立賞罰以課殿最
俾諸司奉行之尋兼夔州路制置屯田大使遂大興
屯田調夫築堰募農給種首種歸尾漢口為屯二十
為莊百七十為項十八萬八千二百八十又創南陽
書院以處襄漢流寓之士竹林書院以處四川流寓

之士以李庭芝權施州建始縣庭芝訓農治兵選壯士雜軍官教之期年民皆知戰守善馳逐無事則植戈而耕敵至則悉出而戰以陳隆之為四川制置使珙下其法於所部行之

知成都府○三月貶四川制置副使知重慶府彭大

雅官秩

大雅當蜀殘破之初披荆棘冒矢石城重慶以禦利閭蔽夔峽為蜀之根抵至是以城陷

前三秩蜀人懷之為立廟祀焉

夏四月召史嵩之還朝罷都督府嵩之

在鄂諸將皆以捷聞帝眷顧益隆故召還

以杜杲為沿江制置使知建康

府○蒙古使王檝來

議歲幣也

秋九月喬行簡致仕○冬

閏十二月李宗勉卒

宗勉守法度抑僥倖不私親黨召用老成樂聞讜言時號公清

之以游侶知樞密院事徐榮叟僉書院事范鍾參知

政事○蒙古東平萬戶巖實卒

子忠濟嗣

淳祐元年

太宗皇帝十三年

春正月詔追封周敦頤汝南伯

張載邵伯程顥河南伯程頤伊陽伯朱熹徽國公並

從事孔子廟庭黜王安石從事

慶元中著作郎李道傳請下詔崇正學取

朱熹論語孟子集註大學中庸章句或問頌之太學仍請以周敦頤邵雍程顥程頤張載從祀孔子廟庭太常少卿徐僑禮部尚書李臺皆繼以為請未及施行至是詔曰朕惟孔子之道自孟軻後不得其傳至我朝周敦頤張載程顥程頤真見實踐深探聖域千載絕學始有指歸中興以來又得朱熹精思明辯表

裏混融使大學論孟中庸之書本末洞徹孔子之道益以大明于世朕每觀五臣論著啓沃良多今視學有日其令學官列諸從祀以示崇獎之意尋以王安石謂天命不足畏祖宗不足法人言不足恤為萬世罪人豈宜從祀孔子其黜

帝謁孔子遂臨太學

帝謁孔子

之越二日遂加封爵云

遂御崇化堂命祭酒曹憲講禮記大學篇監學官各進一秩諸生推恩賜帛有差以紿定三年所製伏羲堯舜禹湯文武周孔顏曾子思孟子道統十三贊就賜國子監宣示諸生復親書朱熹白鹿洞學規賜馬

三月趙以夫罷○夏四月以與芮嗣榮王貴謙嗣沂

王

與芮帝母弟也

秋七月高麗王暎以其族子淳為質於蒙

古以求成○冬十月蒙古以伊囉幹齊行省於燕京

專領中原事○十一月蒙古太宗皇帝崩於烏特古

呼蘭六皇后托里格訥治國事

太宗皇帝性嗜酒晚年尤甚耶律楚材數

諫不聽乃持酒槽之金口以獻曰此鐵為酒所蝕尚致如此況人之五臟耶帝悅賜以金帛勅左右曰進酒三鍾即止是年二月疾篤脈絕諸藥不能療六皇后素干國政不知所為召楚材問之時權姦滿朝粥獄賣官而溫都爾哈瑪爾等尤強肆控治諸國楚材對曰今朝廷用人不當天下罪囚必冤枉故天變屢見宜赦天下六皇后亟欲行之楚材曰非君命不可頃之帝少蘇后以為言帝首肯之赦發而脈復生十一月疾愈已久楚材以太一數推之不宜田獵奏之數四左右皆曰若不騎射何以為樂帝從之出田五日還至烏特古呼蘭與溫都爾哈瑪爾飲翌日崩年五十六六皇后召楚材問以儲嗣楚材曰此非外姓臣所

敢知自有先帝遺詔幸遵行之后不從遂稱制溫都爾哈瑪爾專政用事權傾內外后至以御寶空紙令其從意書填且曰溫都爾哈瑪爾奏准事理令史若不書填則斷其手楚材力諫后不聽太宗皇帝仁厚簡默服御儉素委任大臣略無疑貳政歸臺閣朝野無事西北中原皆入版籍遂有天下三分之二特晚年皇后来急竊柄回回以貨致寵為可惜焉帝七子其長曰哈斯二皇后昂輝所生也早卒有子曰海都次諱庫裕克是為定宗皇帝曰奎騰曰庫春曰哈喇徹爾六皇后所生也曰哈坦曰默呼七皇后所生也是時太子諸王各有分地不相統壹六皇后既稱制於和林號令不行國政中微

十二月余天錫

卒

壬寅二年春二月游侶罷○以范鍾知樞密院事趙葵同

知院事別之傑僉書院事

葵上疏曰今天下之事其大者有幾天下之才其可

用者有幾吾從其大者而講明之疏其可用者而任使之有勇略者治兵有心計者治財寬厚者任牧養剛正者持風憲為官擇人不為人而擇官用之以徐既當任之既久然後可以責其成效帝嘉納之以徐

榮叟參知政事○蒙古侵蜀孟珙遣師禦之

蒙古伊克諾延

自京兆取道商房以趨三川遂攻瀘州孟珙遣王令屯江陵及郢州劉全屯沙市焦進自江陵出襄與諸軍會張祥屯涪州以備之且下令應出戍主兵官不許失棄寸土權開州梁棟以乏糧還司珙曰是棄城也斬以徇由是諸將稟命惟謹蒙古燕京行省郎中姚樞棄官隱於

蘇門

伊囉幹齊在燕所屬惟事貨賂以掊克媚之樞為幕長一切拒絕因辭職攜家住輝州之蘇門

壑荒雲門糞田數百畝誅茅為屋城中置私廟四室
中堂龕魯司寇容傍列周程張邵司馬六君子像讀
書其間衣冠莊肅以道學自任佳時則鳴琴百泉之
上自板小學書論語孟子大學中庸朱子或問家禮
俾楊維中板四書集註田尚書板詩傳折衷易程子
傳書蔡氏傳春秋胡氏傳又以小學書流布未廣命
弟子楊古為沈氏活板與近思錄東萊經史論說諸書行之

夏五月趙葵罷○六

月徐榮叟罷○以余玠為四川宣諭使

初玠家貧落魄無行亡命

走揚州作長短句以謁趙葵葵壯之留置幕府俾即
舟師沂淮入河所向有功累擢淮東制置副使入對
言方今指即戎之士為麤人斥為噲伍願陛下視文
武之士為一勿令偏有所重偏則必至於激文武交
激非國之福帝曰卿人物議論皆不尋常可獨當一
面乃授四川宣諭使事干機速許同制臣共議措置

先行
後奏

蒙古侵真州杜杲敗之。○以別之傑同知樞密

院事高定子僉書院事杜範同僉書院事

範抗言時
政無有私

隱同位
憚之

秋七月蒙古入通州屠其民而去。○九月庚

辰朔日有食之。○冬十二月別之傑罷

癸卯

三年春二月以余玠為四川制置使知重慶府

初蜀
中財

賦入戶部五司者五百餘萬緡入四總領所者二千
五百餘萬緡金銀綾錦之類不預焉自寶慶三年失
關外端平三年蜀地殘破所存州郡無幾國用益窘
十六年間凡授宣撫使者三人制置使者九人或老
或庸或暫或貪或慘或謬或遙領而不至或開隙而
各謀終無成績於是兩川無復紀律遺民咸不聊生

監司戎帥各專號令擅辟守宰蕩無法度蜀日益壞
玠至大更弊政遴選守宰禁招賢館于府左供帳一
如帥居下令曰欲以謀告我者近則徑詣公府遠則
自言于郡所在以禮遣之士之至者玠不厭接咸得
其驩心言有可用隨其才而任之苟不可用亦厚遺
謝之遂於利閭城大獲山以護蜀口蓬州城營山渠
州城大良平嘉定城舊治瀘州城神臂山其他因山
為壘基布星列如臂使指氣勢聯絡也兵聚糧為必
守計民始有安土之心玠又作經理四蜀圖以進曰
願假十年手挈四蜀之地還之朝廷然後歸老山林
臣之願也

三月丁丑日有食之○蒙古前中書令耶律楚

材以憂卒

楚材以溫都爾哈瑪爾專政已言不見用力
求避位會六皇后有疾遂罷楚材中書令

楚材憂憤成疾而卒或譖之曰楚材為相二十年天
下貢奉皆入私門后使衛士視其庫藏惟名琴數十

張古今書畫金石遺文數千卷而已楚材天資英邁
負出人表雖案牘滿前酬荅不失其宜正色立朝不
為勢屈欲以身徇天下每陳國家利病生民休戚辭
色懇切太宗皇帝嘗曰汝又欲為百姓哭耶楚材每
言興一利不若除一害生一事不如減一事平居不
妄言笑及接士人溫恭之容溢於外莫不感其德焉
太宗皇帝承大亂之後天網人理幾於泯絕加以南
北之政每每相戾出入用事之臣又皆諸蕃降附言
語不通趣向不同楚材以一書生孤立其間欲行所
學可謂難矣幸賴太宗皇帝諫行言聽故能力行不
顧然而見於設施者猶十無二三
向使無楚材國不知其何如也

蒙古便宜總帥汪

世顯卒

蒙古入蜀世顯之功為多至是召至和林賜
金虎符授便宜總帥統秦鞏定西金蘭洮會

環隴慶陽平涼德順鎮戎原階成岷疊西和等二十
州事無鉅細悉聽裁決還而卒子惟正嗣世顯善兵

能將重儒愛民勤儉
自持有古名將之風
余玠城釣魚山徙合州治之
冉璉及弟璞俱有文武才
隱居蠻中前後閫帥辟召
皆堅辭不至間玠賢自詣
府上謁玠與分廷抗禮待
以上賓璉璞居數月無所
言玠疑之乃更闢別館以
處之且日使人窺其所為
兄弟終日不言惟對踞以
望畫地為山川城池之形
起則漫去如是又旬日請
見玠屏人曰某兄弟辱明
公禮遇思有以少裨益非
敢同衆人也為今日西蜀
之計其在徙合州城乎玠
不覺躍起執其手曰此玠
志也但未得其所耳璉曰
蜀口形勝之地莫若釣魚
山請徙諸此若任得其人
積粟以守之賢於十萬師
遠矣巴蜀不足守也玠大
喜曰玠固疑先生非淺士
先生之謀玠不敢掠以歸
已遂不謀於衆密以其謀
聞於朝請不次官之詔璉
權發遣合州璞權通判合
州徙城之事悉以任之釣
魚城蜀始可守

甲辰四年春正月以李鳴復參知政事杜範同知樞密院

事劉伯正僉書院事範固辭遂與鳴復俱罷

初範為殿中侍

御史嘗論鄭清之李鳴復之過不行即棄官去至是不屑與鳴復共政上疏辭位而去帝遣使召還太學諸生亦上書論範宜留鳴復宜斥史嵩之諷諫議大夫劉晉之并論罷二人三月以吳淵

僉書樞密院事○秋九月史嵩之以父憂去任詔起

復之罷將作監徐元杰及逐遊士之居京學者冬十

一月嵩之乞終喪制許之

初嵩之開督府竭國用而無成功其從子環卿諫曰

久開督府所成何功東南民力困於供需州縣倉卒匱於應辦誠恐禍起蕭牆危如朝露為今之計莫若

盡去在幕之羣小悉召在野之君子相與改絃易轍
戮力王事以收桑榆之功不從已而黃濤劉應起徐
霖等果上書論嵩之姦深擅權帝雖不聽而論者益
衆及父猶忠疾亟嵩之謁告許之翌日彌忠卒詔嵩
之起復徐元杰上疏以為不可帝不聽元杰遂去於
是太學生黃檀伯等百四十四人上書曰嵩之心術
回邪蹤跡詭秘曩者開督府以和議墮將士心以厚
貲竊宰相位羅天下之小人為私黨奪天下之利權
歸私室蓄謀積累險不可測在朝廷一日則貽一日
之禍一歲則貽一歲之憂萬口一辭惟恐其去之不
速今嵩之亡父以速其去中外方以為快而陛下起
復之命已下矣陛下姑曰大臣之去不可不留嵩之
不天聞疾不省間計不行徘徊數日牽引姦邪布置
要地彌縫貴戚買囑貂璫轉移上心哀私御筆必得
起復之禮姦謀已遂然後從容就道初不見其有憂
戚之容大臣居天子之下百官之上佐天子以孝治

天下者也孝不行於大臣是率天下而為無父之國矣古者固有釋裒經從王事者以其才足濟時也陛下所以起復嵩之者謂其有折衝萬里之才與則嵩之本無捍衛封疆之能徒有刼制朝廷之術謂其有經理財用之才歟則嵩之本無足國裕民之能徒有私自豐殖之計陛下眷留將以利國殊不知貽國無窮之憂也嵩之為計亦姦矣自入相以來知二親年耄慮其不測思為起復之計起復未卒哭之馬光祖為淮東總領未終喪之許堪為鎮江守臣所以預為已之地也故今里巷為十七字之謠曰光祖做總領許堪為節制丞相要起復援例夫以里巷之小民猶知其姦陛下獨未知之乎臺諫不敢言嵩之之爪牙也給舍不敢言嵩之之腹心也侍從不敢言嵩之之肘腋也執政不敢言嵩之之羽翼也嵩之當五內之分裂之時方且擢姦臣以司喉舌謂其必無陽城毀麻之辱也植私黨以據要津謂其必無惠卿反噬之

虞也自古大臣不出忠孝之門席寵怙勢至於三世
未有不亡人之國者今史氏秉鈞三世矣天下士民
惟知有史氏陛下孤立於上甚可懼也天欲去之而
陛下留之堂堂中國豈無君子獨一小人而不悟是
陛下欲藝祖三百年之天下壞於史氏之手而後已
此臣所以痛心也五刑之屬三千其罪莫大於不孝
若以法繩之雖置之鈇鉞猶不足謝天下况復置之
具瞻之位乎不報武學生翁日善等六十七人京學
生劉時舉等九十四人宗學生與寰等三十四人皆
上書切諫亦不報武學生劉耐知帝嚮意用嵩之遂
叛四學而上書曰秦人焚坑之禍漢末黨錮之獄使
名士淪亡典籍消滅以貽千百年不可追之恨者其
端始于一二愚士橫議爾鄭國之人聚於鄉校以議
執政之然否而子產不毀鄉校付之自然人皆賢之
臣獨恨子產之無以變士習淑人心也今陛下尊居
天陞置輔相於左右蓋將以立國也而輕儇浮薄者

乃指名大罵之然則朝廷何以為朝廷中國何以為中國信斯言也生人之類滅矣若使嵩之果匿喪旬餘設謀起復固無以逃天下後世之議若起復出於陛下憂時之本心亦當顯示天下揭臣此章於四學俾輕儇浮薄者有所警戒太學齋廊因榜云丞相朝入諸生夕出丞相夕入諸生朝出時范鍾劉伯正領相事惡京學生言事謂皆遊士鼓倡之諷京尹趙與憲逐遊士諸生聞之作捲堂文以辭先聖曰天之將喪斯文實係興哀之運士亦何負於國遽罹逐斥之辜靜言思之良可醜也慨祖宗之立國廣學校以儲才非惟衍豐芑以遺後人抑且隆漢都而尚尊國士肆維皇上克廣前猷炳炳宸奎釐為四學爰爰束帛例及諸生蒙教育以如天恨補報之無地但思粉骨寧畏觸機直言安石之奸共惜元臣之去實惟公議不利小人始陰諷其三緘終盡打於一網不任其咎歸過於君是誠何心空人之國昔鄭僑且謂毀校不

可而李斯尚知逐客為非彼既便已行之吾亦何顏
居此厄哉吾道告爾同盟勿見義而不為當行己而有
恥苟為飽暖是貪周粟之羞相與攜持毋蹈秦坑之
慘斯言既出明日遂行與憲遂盡削遊士之籍嵩之
自知不為公論所容上
疏乞終喪制帝乃許之
吳淵罷○十二月以范鍾杜

範為左右丞相並兼樞密使劉伯正參知政事游侶

知樞密院事趙葵同知院事○以鄭清之為少保奉

朝請

清之雖罷相寵顧不衰至是以少保醴泉觀使
兼侍讀奉朝請封衛國公居京日與賓客門生

相羊山水間帝御書輔德明謨之閣賜之明以孟珙
年加少師賜玉帶及甲第於西湖之養魚莊以孟珙

兼知江陵府

珙至江陵登城歎曰江陵所恃三海不
知沮洳有變為桑田者敵一鳴鞭即至

城外蓋自城以東古嶺先鋒直至三汊無所限隔乃脩復內隘十有一別作十隘於外有距城數十里者沮漳之水舊自城西入江因障而東之俾遠城北入於漢而三海遂通為一隨其高下為匱蓄洩三百里間渺然巨浸土木之工百七十萬民不知役遂為江陵天險

乙巳

五年春正月劉伯正罷○以李性傳僉書樞密院事

○二月呂文德敗蒙古於五河復其城○夏四月杜

範卒○蒙古太納侵江陵孟珙敗之○秋七月蒙古

侵濠州知州呂文德敗之○冬十一月以陳韓同僉

書樞密院事○十二月以游侶為右丞相兼樞密使

趙葵知樞密院事李性傳同知院事性傳尋罷

丙午

六年

蒙古定宗皇帝元年

春二月范鍾罷

鍾直清守法為時名相與游侶不協力辭

而

去蒙古入兩淮呂文德敗之○蒙古入蜀余玠敗之

○夏六月以陳韓參知政事○秋七月蒙古定宗皇

帝即位於蘇默托里

蒙古自太宗皇帝崩諸王近屬自相攻戰國內大壞至是定宗皇帝

始即位於昂吉河之蘇默托里諸王不服將謀不軌會雷雨大作行營水深數尺遂各散去

九月京

湖制置大使孟珙卒以賈似道為制置使知江陵府

珙疾革乞致仕許之詔命未至而卒珙忠君體國之念可貫金石在軍中參佐部曲論事言人人異珙徐

以片言折衷衆志皆愜謁士遊客老校退卒壹以恩
意撫接名位雖重惟建旗鼓臨將吏面色凜然無敢
涕唾者退則埽地焚香隱几危坐若蕭然冬十二月
事外者遠貨色絕滋味自號無菴居士

詔史嵩之以觀文殿大學士永國公致仕

嵩之雖去國論者猶

籍籍乃命致仕詔不復用以靜羣言

蒙古侵京湖江淮州縣

丁未七年

定宗皇帝二年

春正月以嗣榮王與芮子孟啓為宜州

觀察使

孟啓資識內慧初能言即有法度帝甚奇之至是授官令就內小學

夏四月以

王伯大僉書樞密院事吳潛同僉書院事○以鄭清

之為太傅右丞相兼樞密使

清之方與客放浪湖山寓僧刹竟夕不歸中使

至門清之始還入對力辭不允以趙葵為樞密使督視江淮京湖軍

馬知建康府便宜行事陳韓知樞密院事湖南安撫

大使知潭州

時江淮京湖邊警日至帝深憂之鄭清之薦二人可大任帝從之二人既受命

捷音日至矣

游侶罷○秋七月吳潛罷○以別之傑參知

政事鄭冢同僉書樞密院事八月冢罷○高定子卒

○呂文德敗蒙古於泗州

戊申八年

定宗皇帝三年

春三月蒙古定宗皇帝崩於杭錫雅爾

之地皇太后托里格訥復治國事

定宗皇帝在位委政于皇太后及近

習而已及崩年四十三有子三人長曰呼察次曰諾果三曰和和時國內大旱牛馬死者十八九民不聊生

夏六月以徐鹿卿為樞密使○秋七月以王伯大參知政事應徽同知樞密院事謝方叔僉書院事史宅之同僉書院事伯大尋罷○冬十月別之傑罷

巳酉九年春正月封孟啓為益國公○以周世宗八世孫

柴彥穎襲封崇義公○置慈幼局於臨安

收養道路遺棄初生

嬰兒閏二月以鄭清之為太師左丞相兼樞密使趙葵

為右丞相兼樞密使應徽謝方叔參知政事史宅之

同知樞密院事清之辭免太師許之

趙葵視師既久屢奏捷音帝思

所以處之鄭清之曰非使作相不足以酬勞陛下豈以臣故耶臣必不因葵來遽引退臣願居左使葵居

右帝從之夏四月壬寅朔日有食之○以淮東制置使丘

岳兼淮西制置使

岳在揚與蒙古戰多捷聞職脩舉帝嘉之故有是命親書忠實二字

賜馬五月趙葵乞歸田里不許

葵制既下言者論其非由科第進者且曰宰相

須用讀書人葵聞之因力辭右相乞歸田里其表有云霍光不學無術每思張詠之語以自慙后稷所讀何書敢以趙抃之言而自陳韓罷○冬十一月應傑解帝雖不允而葵終不至

罷○十二月以吳潛同知樞密院事徐清叟僉書院

事○史宅之卒

庚戌

十年春三月以賈似道為兩淮制置大使知揚州李

曾伯為京湖制置使知江陵府○趙葵罷○夏五月

以善珩為嗣濮王○余玠大敗蒙古於興元

蒙古汪惟正屯

兵利州以扼四川日謀進取使其從宜使李德輝募
民入粟綿竹陸輓興元水漕嘉陵資用饒足玠親帥
諸軍巡邊直擣興元與惟正戰敗之

辛亥

十一年

蒙古憲宗皇帝元年

春正月封建國公孟啓為建安郡

王賜名牧○三月嗣濮王不擅卒○以謝方叔知樞

密院事徐清叟同知院事吳潛參知政事○夏六月

蒙古憲宗皇帝即位於奎騰敖拉之地

定宗皇帝之崩諸大臣欲奉庫

春之子實勒們久而不決至是烏蘭哈達以太祖皇帝諸孫惟憲宗皇帝謙慎宜立諸大臣兄弟皆曰可乃大會於奎騰敖拉之地而即帝位馬實勒們不服憲宗皇帝因察諸王有異同者並羈縻之取主謀者誅夷之由是始定遂罷不急之役嚴軍律以安民又以自太宗皇帝以來羣臣擅政凡有詔令必親為之政始歸一烏蘭哈達蘇布特之子也秋七月蒙古憲宗皇帝命其皇弟

總治蒙古漢地民戶事開府於金蓮川承制封拜

憲宗

皇帝詔凡軍民在齊拉衮山南者聽皇弟呼必賚大王總之遂開府於金蓮川大為張宴先是姚樞隱居

蘇門以道自任皇弟遣趙璧召之樞至見皇弟聰明才不世出虛已受言可大有為乃盡其平日所學為書數千言上之首以二帝三王為學之本為治之要與治國平天下之大經彙為八目曰修身力學尊賢親親畏天愛民好善遠佞次及時政之弊為條三十本末兼該細大不遺皇弟大奇其才動必見詢樞言於皇弟曰今土地人民財賦皆在漢地王若盡有之則天子何為後必有讒者矣不若惟掌兵權凡事付之有司則勢理順安皇弟納之

蒙古以孟克薩勒為斷事官博勒和

為大筆且齊掌朝貢事鴻和爾留守和林塔哈納阿勒達爾副之察罕伊爾根統蒙古漢軍侵兩淮丹達爾統蒙古漢軍侵四川和爾台統蒙古漢軍伐吐蕃伊

囉幹齊布扎爾鄂勒博都特達喇行中書省事於燕京
巴蘇呼諾海塔喇海主伊吾廬至阿穆河迄南事諤

爾根主和掄舍哩迄西事

斷事官掌國訟其權任為至重
大筆且齊其任猶左丞相

也冬十一月鄭清之致仕

清之以老病固求解政帝不許
賜玉帶以朝一日退

朝忽感寒疾危甚遂以太傅充醴泉觀使封齊國公
奉朝請越六日而卒清之不好立異以定策功久居
宰輔其再相也年齒衰暮政歸妻子閒廢之人或以
因緣以賄進為世所少然端平之治有足稱者焉以

謝方叔吳潛為左右丞相徐清叟參知政事董槐僉
書樞密院事○蒙古以僧海雲道士李真常各領其

教事○蒙古伊克伐高麗○蒙古皇弟置屯田經略

司於汴梁

自奎騰太子取漢上諸郡因留軍戍境上繼而裏樊壽泗復降而壽泗之民盡為軍

官分有由是降附路絕雖歲侵淮蜀軍將惟利剽殺子女玉帛悉歸其家城無居民野皆榛莽至是姚樞請以秋去春來之兵分屯要害敵至則戰退則耕積穀高廩邊備既實俟時大舉則宋可平皇弟善之始置屯田經略司於汴西起穰鄧宿重兵與襄陽掎角東連陳亳清口桃源列障守之又置都運司於衛轉粟於河繼餽諸州陝西則移隴右汪世顯戍利州劉黑馬於成都割河東解之鹽池歸陝西置從宜所於關西以中糧興元猶懼不繼置行部秦州順嘉陵漕渙關汭池轉粟入利州又置安撫司於邢由是東西數千里民人安業翕然歸心矣
蒙古以史天澤趙璧為河南經略使

自太宗之後中原任非其人而河南陝西民受病尤甚憲宗皇帝即位倚任於伊囉幹齊史天澤自真定入朝請分河外所屬而試治之且乞不令伊囉幹齊有所鈐制許之乃立經略使於汴命天澤趙璧代治之時河南民無依恃差役迫急流離者衆軍無紀律暴掠平民莫敢誰何故州縣往往為宋師所復天澤選賢才居幕府以清其源置提領布郡縣以察奸弊均賦稅以蘇疲困更鈔法以通有無設行倉以給軍饌立邊城以遏敵衝誅奸惡以肅官吏立屯田保甲以實邊鄙河南大治

壬子十二年

憲宗皇帝二年

春正月王堅復興元○二月乙卯朔

日有食之○蒙古侵隨郢安復州○余玠敗蒙古於嘉定府○蒙古汪惟正城沔州○蒙古徙其太宗六

皇后及諸王於邊賜定宗皇后死竄太宗皇帝孫實

勒們於摩多齊

憲宗皇帝以諸王嘗欲立實勒們也乃徙六皇后托里格訥及孟格圖諸

王於奎騰大王營盤哈坦諸王於巴實伯里默呼諸王於雅爾達賓河海都諸王於哈里雅爾伯爾克諸王於庫爾哲托克托諸王於額密埒分后家貲於諸王定宗皇后烏拉海額實以厭穰賜死禁錮實勒們於摩多

齊夏六月蒙古以漢地分封宗屬

憲宗皇帝以中州封同姓勅皇弟於

汴京關中自擇其一姚樞曰南京河徙無常土薄水淺渴鹵生之不若關中厥田上上古名天府陸海皇弟遂請關中憲宗皇帝曰關中戶寡河南懷孟地狹民夥可取自益由是皇弟有關中河南之地蒙

古皇弟以楊惟中為河南道經略使

時河南總管劉福貧鄙殘酷害

遣民將二十年惟中至召福聽約束福稱疾不至
惟中命設大槌於坐復召之使謂福曰爾不奉詔吾
以軍法行事福以數千人擁衛而至惟中即握大槌
擊福踏之福數日死百姓莫不鼓舞稱快焉

八月行會天曆○蒙古憲宗皇帝命皇弟師師伐西

南夷皇弟實埒師師伐西域克埒布哈師師伐波黑

奚撒里師師伐印都

皇弟由中道進烏蘭哈達由西道茶寒由東道副之印都古天

竺國也有戶百餘萬

秋九月嗣沂王貴謙卒○冬十月以徐清

叟參知政事董槐同知樞密院事○嗣濮王善珩卒

以善與代之○十一月吳潛罷

浙東福建大水故也

印都朝貢

於蒙古○蒙古烏蘭哈達伐附都鄙善烏蠻摩此等國皆降之

癸丑

寶祐元年

憲宗皇帝三年

春正月以太祖十一世孫建安郡

王攷為皇子賜名祺進封永嘉郡王○二月己酉朔

日有食之○蒙古汪惟正城利州

沔利既城蒙古且耕且守蜀土不可

復矣

蒙古渡漢江次於萬州遂入西柳關高達敗之○

蒙古烏蘭哈達敗羅部於夷可浪山遂會皇弟滅大

理攏其國王段智興以歸

得五城八府蠻部三十有七

夏五月召

四川制置使余玠還六月以余晦為四川宣諭使

利初

州都統王夔素殘悍號王夜叉恃功驕恣傑驚不受節度所至劫掠毒虐富人以脅取金帛蜀人苦之玠至嘉定夔帥所部兵迎謁班聲如雷江水為沸旗幟精明舟中皆戰掉失色而玠自若也徐命吏班賞夔退謂人曰儒者乃有此人玠久欲誅夔獨患其握重兵居外恐輕動危蜀謀於親將楊成成曰夔兵精勢張視侍郎為文臣必不肯甘心從令今縱弗誅養成其勢後一舉足西蜀危矣玠意遂決夜召夔計事潛以成代領其眾夔才離營而新將已單騎入矣將士皆愕眙相顧不知所為成以帥指譬曉之遂相率拜賀夔至玠斬之會戎州帥欲舉統制姚世安為代玠素欲草軍中舉代之弊以三千騎至雲頂山下遣都統金某往代世安世安閉關不納且有危言而世安素結丞相謝方叔子姓至是求援于方叔方叔遂倡

言玠失戎利心帝惑之世安乃與玠抗玠鬱鬱不樂
玠專制四蜀交結權要凡有奏疏詞氣不謹帝不能
平會徐清叟入對語及玠因言玠不知事君之禮陛
下何不出其不意而召之帝不荅清叟曰陛下豈以
玠握大權召之或不至耶臣度玠素失士心必不敢
帝然之乃以資政殿學士召而以知鄂州余晦為宣
諭使國子司業葉夢昂言蜀當垂亡危急之秋
晦恐不勝其任乞改命謝方叔固以為能乃止

使扎拉爾伐高麗


代也

秋七月資政殿學士余玠卒

玠聞召命愈不自安一夕暴下卒或謂仰藥死蜀人
莫不悲慕如失父母玠之治蜀也任都統張實治軍
旅安撫王惟忠治財賦監簿朱文炳接賓客皆有常
度至於脩學養士輕徭以寬民力薄征以通商賈蜀
既富實乃罷京湖之餉邊關無警又撤東南之戍自
寶慶以來蜀閭未有及之者惜其遽以太平自詭進

蜀錦蜀綵過於文飾久假便宜之權不顧嫌疑昧於
勇退遂來讒賊之口又置機捕官雖足以廉得事情
然寄耳目於羣小虛實相半故人多懷疑懼八月以
至於姚世安拒命威名頓挫齋志以沒惜哉

余晦為四川制置使知重慶府



通鑑續編卷二十二